



09666

快雪堂集卷之十八

秀水馮夢禎開之著

行狀

福建布政司左布政使見衡李公洎配誥

贈郭夫人行狀

公諱丞式字敬甫別號見衡雲中人也其先在前古以官氏子孫顯漢晉周隋間爲隴西著姓至唐以天潢散處江南北宋有毘陵福五公者以邑丞解官居江淮間曰泰興李洪武中諱信快雪堂集卷之十八

者官山西忻州同知以薦人才不稱坐免家于

代之龍門遷雲中曰雲州李忻州公五傳曰英

世隱于農居城東北八里燕家莊又曰燕家莊

李英生四子其四曰滿滿卽公父贈奉政大夫

兵部職方司郎中是爲南麓公南麓公少業儒

以兄奎稍饒于貲廢業代兄董農事居鄉淳謹

稱爲長者兄奎遇之嚴公家稅輸不以時催科

吏至南麓公輒代比婁受訶譴無愠色人有從

旁間者曰此吾弟職勿多言娶衛宜人而生丈

夫子四萊澗公某居三而公居四俱令業儒食貧自若而伯奎三子俱連姻代藩車馬出入甚都人諷南麓公曷不爲二子地拒勿應已而萊澗公舉嘉靖丙午山西鄉試官新安令又數年壬子公復舉山西鄉試丙辰成進士伯奎始嘆服弟能教子有識吾不如公才識英敏尤長吏事摘發如神人不能欺遇事當否其見已定雖賁育不能奪故再爲縣令俱著聲績而亦以媒忌其初仕錢塘也稱至繁劇而公遊刃有餘節

快雪堂集

卷之十八

二

循寬通善讞疑獄先後用循良薦幾四十餘牘時東南中倭朝廷委之督府少保胡公軍書旁午錢塘隸首郡多所徵調而公不困一日諭錢塘製軍士袴三萬具吏皇駭無措公令取布散民間人製一具俄而報命少保悅服才公期大用後以執法忤醜使者意論公執拗調令深澤公論惜之其在深澤也邑有大猾陳光宙者善持官吏短長令朝拂其意而飛語夕騰于上官矣前後陷賢守令無數公至廉其實呼至庭下

卷之十八

快渴皆貪也

詰問不報密遣括其家所藏筆札俱文致郡邑

官長及大姓陰事遂服辜遠近稱神未幾丁南

麓公艱服闋補固安令受事八日丁衛宜人艱

服闋赴部公論惜其淹滯陞南京工部主事督

蘆課力持三尺不假勲貴侵斂立清會虜謀入

薊門以邊才改北武選贊畫少司馬帶川劉公

防虜通州上禦虜八事一曰嚴節制以禦強虜

二曰革家天下以重選鋒三曰多火弩以持長技

四曰備糗糧以壯士氣五曰重將權以振委靡

快雪堂集

卷之十八

六曰定責成以杜欺弊七曰專信任以責實效

八曰廣延訪以收將才大意慨邊備廢弛將士

怏渴欲大破常格振積弱之勢責成督撫監司

不得與將帥同功罪尤其大者得旨施行尋擢

職方郎中公素留心軍政一旦受事外劑督撫

內贊大司馬擘畫簡除如轉丸批窾案無留牘

而權要請托一切格不行又議復朶顏三衛蓋

三衛實神京肩背其陰導虜以撓我者屬夷也

復之則遼陽接山後一帶如引繩省乘郵修邊

費歲可十數萬計甚便于是畫戰守策其略謂  
薊兵主客餘十六萬選精者九萬分爲三軍軍  
置一帥九裨將督撫監司各督一軍一從潮河  
川一從喜峰口一從擡頭營三路並出正兵結  
陣而行奇兵搜山谷更選次者三萬運糧餉萬  
人修斥堠治餉道俱隨三軍以進而留五萬人  
守內邊備不虞仍令宣遼各練精兵爲犄角遇  
逃竄防外援并復後建鎮置營屯戍之法犁然  
甚備可按策施用當事者難之退而著爲樵牧

野談乃卒以招忌屬北虜索互市鐵鍋公持不  
可予及逮治債帥馬芳事連忤江陵相譚大司  
馬公資望當內轉遂自求外以副使備兵榆林  
榆林故朔方地虜素桀驁入見邊臣頗不以禮  
公至申明戎索虜望見股栗入環拜階下無敢  
仰視有求索正詞折之虜皆嚙指去朔方軍素  
不習陣公用握奇及八陣六花遺意剗圓機營  
陣圖說大要立隊伍明分數審形名因山川形  
勢之宜講步騎離合之變陣間容陣隊間容隊

魚貫鴈行觸處爲首奇正環相生變化無窮而躬自訓練指麾一時旌旗壁壘皆變又采武經要語著爲弢鈴集要令行間講讀不期年人人知兵遂爲諸邊寇少司馬吳公兌閱軍關中一見驚服曰此真節制之兵矣疏薦公壯猷第一詔陞俸一級賜白鏹先是開府張公某行法稍峻幾有脫巾之變賴公調停迄無事比開府公病劇以公爲軍心所歸疏薦公自代政府本兵竟以前卻寢不報尋陞河南叅政分守開歸二

快雪堂集

卷之十八

五

府是時朝廷急盜嚴爲令盜不得守若令坐奪官而境內多大盜公督所司嚴巡徼開以出首自新之路于是盜發者少卽發無能逸去安境土保屬吏功甚大公于貪墨無假而惜才品振淹滯意尤惓惓鄭州守張君允濟南陽推王君見賓皆違衆獨舉後俱以才望至開府公視事數年前後直指使者俱首薦會江陵奔喪途中監司叅謁俱勒長跪過中州公洎僚梅君某當入見梅問入見當何如公曰長揖耳冠可掛此

膝必不可屈遂偕入長揖江陵相微哂而已既  
出陰囑奴尤七問主長揖者誰公答曰大梁道  
某是年陞浙江按察使明年夏以馳驛波及奪  
三官然公馳驛在未奉嚴旨前蓋山東列馳驛  
者姓名數十私請于江陵相初無公公姓名江  
陵所授也壬午江陵捐館起補隴右叅議未至  
陞河南副使主河道是時河上無事後署驛傳  
爲通融河工銀千兩協濟驛遞疲累獲甦未幾  
陞四川叅政守川北道甫視事陞湖廣按察使  
快雪堂集

卷之十八

六

廉訪吏弊平反冤獄甚衆是時楚府中涓郭承  
奉者挾功贖貨自恣伎害一老承奉有護衛卒  
自投井死誣以箠殺文致成獄撫按知其冤未  
及雪公自讞之得冤狀立爲開豁已陞陝西右  
布政使居數月以微疾動葺鱸之思撫按交留  
不可強爲代請下吏部覆公才望素優設施未  
竟俟病痊撫按舉用報可家居五年會倭犯朝  
鮮南北臺省交章薦公邊才起補山東右布政  
使備兵遼東開原公意不欲出而本兵石公總

督顧公急欲得公出以全遼付之並移文漕撫軍門下揚州府立趣之不得已就道將至晤諸當事者聞和議非之稍言倭可取狀諸公意已決別去至開原受事開原在遼鎮極東北隅孤縣屬夷中其西南卽舊遼陽爲福寧衛夷人駐牧所每陰導土蠻犯遼陽迤東諸處武備卑弛公日訓練軍士請撫臺贖餒二百金爲製火炮士氣稍壯先是鎮西守堡官某以講市力阻虜求索虜誘殺之關上事聞本兵檄守臣勘久不

報公謂虜擅戕守堡官至無狀不宜縱婁勒虜令縛殺人者贖罪虜譎輸服遷延弗獻已乃令數騎詐降入鎮西堡夜縱火燒百餘家而突以三千騎犯關欲因亂襲我屬公巡至界開原兵頗集倉卒以寡擊衆殺酋長一人部下二人虜哭擁酋長屍去逾數日復犯賴鐵嶺遊營兵集偕力擊之斬獲八十九級虜號哭退雪舊恥伸國威一時稱快然非撫臺意驗級之日獨不賞猶詒云年終類聞已乃併年終之奏寢之矣嗣



以清查占役稽覈屯地復不便武臣家撫臣數  
移書勸止公嘆曰一路尚不可爲卽付我全遼  
何裨尺寸哉遂決意求退當事者知不能挽也  
陞公福建左布政使以歸次潞河自投劾乞休  
甚力冢宰孫立亭公少宰劉浚川公雅知公欲  
留大用却其疏不奏公再強之弗克不得已放  
舟南還抵舍悉遣還閩役迎候者爲書謝藩臬  
諸公復馳疏于朝則格不得奏尋爲中傷以年  
致仕公喜不煩疏而成吾志甚善遂謝客居田  
快雪堂集

卷之十八

八

間後以冊立東宮覃恩進階資政大夫公居廣  
陵無他產惟是高寶濱湖汗萊田若干頃供饘  
粥而一切歲時伏臘婚嫁所需俱給其中自奉  
甚儉然澹泊亦其天性懸車十年築一室湖上  
扁舟來往明農課讀足不履城市公一日偶過  
湖西登山四眺愛其秀特徐察結聚有情曰  
我生平愛湖居死葬我湖上甚願也遂買土山  
之麓十數畝植松栢其上甲辰秋自相視擇丙  
向建堂其前曰死而享我于此堂矣先有微疾

旋作旋已乙巳春農事起奴輩稟命猶一料理  
至二月十四日薄暮忽問明日支費以已未對  
曰吾正忌此日十五日之酉時痰忽上壅遂卒  
而所建之堂亦垂成若先知者異哉公生丈夫  
子九登科目者四人植最顯字汝培余同讀中  
秘書官御史首擊權璫以成皇上清明之治漸  
見柄用而亦以伉直賈忌屢進屢退今以遼東  
巡撫家居大用蓋有待云元配郭夫人生與公  
同里父處士某有女德不輕字見公弱冠有聲  
快雪堂集

卷之十八

九

譽序遂以歸公公起農家甘淡泊夫人以勤儉  
佐之精女紅多資公讀公壯歲成名夫人有內  
助焉事舅姑尤孝謹姑患手戰不便盥洗夫人  
朝夕依侍不離寸晷躬進甘旨諸子或在側輒  
目攝之使避恐姑念孫而分甘也公有愛女謹  
奉之不異同胞公初仕錢塘二尊人以道遠不  
能就養夫人代爲之養者三年視居平尤加意  
二尊人安之公以此無內顧憂得安于宦同生  
子女五人躬自乳哺子就外傳夜歸必問程稍

不中程輒厲色督過不少貸訓兩女女紅不下  
訓子嚴性冲簡不喜紛華居常布素三洗不更  
寡珠玉紈綺之飾言笑舉止一稟內則處妯娌  
以和撫臧獲以恩睦族黨姻親以禮戒諸子若  
婦勿忘艱難年力方壯以哭郭太宜人過傷未  
半年遺危疾不起三被綸誥俱在身後存未沾  
一命中丞公每哀慕不已公生嘉靖戊子五月  
十一日卒萬曆乙巳二月十五日享年七十八  
郭夫人生嘉靖辛卯十月初八日卒嘉靖丙寅  
快雪堂集 卷之十八 十一

四月十一日享年三十六繼閻夫人江都鄉進  
士閻公傳女先以公貴誥封宜人後進淑人又  
進夫人而郭夫人蒙贈亦如之蓋公爲人沉毅  
不輕發遇事勇于擔當然寬大舒徐曾無攘袂  
先人態性伉直不依違故往往與當道忤諸生  
時卽留心經濟尤長于邊事宦轍所至皆有聲  
績可紀去後多遺思尤析義利之界去錢塘行  
至姑蘇有叩舟者自言錢塘民賴公雪其冤德  
公願以三百金壽公曰吾知雪冤耳爾姓名吾

不復憶敢望報耶亟去勿多言其人感泣去任  
中州榆林湖廣稍久去任時各餘贖鍰若干吏  
白公不取亦入後人橐公謝一不染指自開原  
歸諸子無隨侍者圖書藥餌衣襍之類俱河南  
武生楊志遇司管鑰毫無長物行至濟上始得  
山東俸金百餘兩攜歸志遇每向仕宦者稱說  
不已歷宦四十年清操如一日以此爲南北薦  
紳所推服公閒居博覽經史及本朝典故每與  
人論事輒引古今折難不爲臆談旁及天文地

快雪堂集

卷之十一

十一

理奇門太乙方術諸書皆得其要領九邊地形  
要害扼塞戰守方略議論鑿鑿老將在矣無不  
嘆詫公真有文武材用在職方時諸邊兵力較  
今稍強財賦猶易給如得賢政府本兵主持于  
上用公戰守策三衛可唾手復惜哉不遇僅周  
旋藩臬以老竟不至大用如郎職方與備兵開  
原僅僅小試譬如武庫之戈甲瓊林大盈之寶  
賄山積海聚不可窺測者俱隨公地下而不資  
國家一日用付之惋嘆而已公居家御子孫甚

嚴闈門之內，肅若朝典。諸子以下，侍側正容。莊語恂恂，相對子若孫。一言一動，恪守家訓。少有失厲，色督過。至晚年不易，以故中丞公已下，俱勉爲修謹。立朝居鄉，不媿萬石君家子弟。公之教也。初南麓公在時，值虜入迫燕家莊，母衛宜人從族父母輩避匿。害中族人被執者，欲自脫以害中人。白虜且誘而出之，呼曰：虜去矣。前後出數人，皆被害。復給衛宜人出，公及萊澗公則熟臥襁褓中，而衛宜人亦心動，竟不出。久之，虜快雪堂集

卷之十八

十二

信匿皆盡，乃舍去。南麓公夫妻父子俱免識者，已占其後之必昌矣。無幾公生，公少小時見母宜人悼前事，泣數行下，誓欲吞虜。因曰：此地薄虜，那可久居。兩尊人曰：是在子矣。後兩尊人相繼沒，公由中州擢浙，始定居廣陵。子孫衆多，姻戚叅南北，遂稱江都李云。公居父母喪，哀毀備易，戚卜兆于采掠山祖塋前，數十武合葬。偕兄萊澗公屏居燕家莊舊廬，不通賓客，親履田塍，課耕獲先後。凡六年初，公師事萊澗公，執弟道。

揮霍角  
一名霍  
言萬物皆  
賦大也

惟謹至歷仕每相見加肅歲時在遠不忘問遺  
及歿以中州齋捧便取道歸哭襄葬事爲給諸  
從子嫁娶耕讀費後由湖廣入覲畢復歸掃祖  
墓盡取已所置田與兄遺產析付兄子仲儒官  
模叔廩生櫬爲世業而挈季太醫吏目拱盡室  
南與諸子同居衣食之寸縑粒米不私已子而  
遺兄子孝友之聲雲中廣陵交頌云公居鄉歷  
宦振人窮乏出人患難多盛德事上自士類下  
迨輿臺口碑嘖嘖未易指數使公得大用其福  
快雪堂集 卷之十八 十三

澤沾溉豈但一路一鄉而已哉公總憲吾浙時  
夢禎幸以猶子事公公體貌魁梧議論才識揮  
霍有餘謂必極人臣功業赫奕而以藩伯終公  
私無不惋惜嗚呼公已矣中丞兄忠悃誠篤上  
所簡在功業未可量而容部與孝廉諸君相繼  
雀起竭忠孝大節稱名臣以展公未盡之用挹  
彼注茲爰必在公一身哉然公悠游山林十餘  
年壽幾耄耄諸子及內外諸孫幾三十人半居  
冠弁亦足稱完人完福矣丈夫子九人長植丁

丑進士改翰林庶吉士授御史歷官右僉都御史巡撫遼東郭夫人出娶兵部右侍郎蔣公應奎孫女繼娶太醫院吏目王公佩女俱贈封孺人槩廩生郭夫人出娶右侍郎蔣公應奎孫女蚤卒杜丙戌進士歷官禮部主客司郎中贈安人王出娶副憲薛公綸女柄癸卯順天舉人陸出娶蒲州知州高公淪孫女楫戊子山西舉人郭夫人出娶僉憲馬公豸女繼國子郭公勲女樓監生客部君同母娶湖州府通判卞公峯女

快雪堂集

卷之十八

十四

棹揚州府庠生柄同母娶鴻臚序班楊公守益女標揚州府庠生余出樞蕭出聘魏國勲衛徐公某女女四二郭夫人出一適代藩儀賓高公某長子巨門堡守備謙一適代藩儀賓孫公望季子大同府庠生統一閤夫人出適太醫院吏目薛公纓長子江都庠生維璣一樞同母幼未聘孫男十植出二元佑監生娶都察院都事于公明照女元德聘禮部郎中張公世才女樞出一元亨娶鴻臚序班劉公宣女杜出一元辰柄

出二元素聘詹事府主簿史公秉公女元介擢  
出一元愷樓出一元寵揚州府庠生娶國子史  
公宗蕃女棹出二元熙聘南京戶部員外張公  
肖孫孫女元杰孫女十三人植出六一適永生  
洲署都指揮僉事卜公成功長子揚州府庠生  
用東一適兩廣總督右都御史陳公太科季子  
通州庠生遂一字金壇國子于公樹勳子某一  
字戶部員外郝公道行季子某一字國子郝公  
時習長子某一字癸卯應天解元王公納諫長

快雪堂集

卷之十八

十五

子某槩出一適江西興安知縣陳公人龍次子  
揚州府庠生駿鼎杜出二一適河南布政司檢  
校許公位長子必升一適丁酉陝西解元何公  
龍圖季子江都庠生廓然柄出二一適陝西寧  
州同知江公應祚次子有源一適南京後府經  
歷王公汝立長子儀真庠生朝宰楫出二一適  
揚州府廩生張公啟勳長子夢尹棹出一適國  
子王公贊元長子碩彥重孫玉湛淳滌元亨出  
淳聘副憲張公某孫女濂洛元佑出濂聘禮部



員外子公孔兼孫女重孫女五一元亨出二元  
佑出一字山東萊州府知府閻公士選孫某二  
元寵出植等卜今年乙巳十二月某日葬公土  
山新阡以郭夫人配而先期三月客部某孝廉  
某躬至武林以兄中丞公書乞狀于夢禎夢禎  
故嘗事公于總憲時服公教誨望公旦暮大用  
不得者又忝中丞館誼幾三十年其敢以不文  
辭乃受中丞公所撰行述節而錄之爲公狀以  
備名筆採存爲之銘若表以不朽公云

快雪堂集

卷之十八

十六

少詹事兼侍讀學士葵暘黃公行狀

嘉靖季年文靡甚矣隆慶初一變爲純正古雅  
漸還先進之舊則黃先生首建旗鼓而倡之先  
生嘗見余庚午初塲義嘆曰此吾鄉人歟終當  
魁天下丙子冬余從袁坤儀以所業請正于先  
生先生孳孳評教之引爲氣類明年春余果以  
南宮舉首從先生徊翔金馬石渠間私自幸不  
負先生魁天下之許然余不得久侍先生于長  
安邸嘗互爲進退切磋之日淺比先生告歸而

余亦以南宮休舍武林距故鄉一衣帶水青山  
白社欣與先生共之而先生逝矣嗚呼以先生  
之賢且才遭時奮身歷官禁近海內弁紳莫不  
屈指卜其大用中遭嫌疑暫從遵養公論且白  
而先生竟不待已傷哉然先生所以不朽者自  
在海內立言君子且握如椽俟之矣余不慧敬  
以叅政君命取其所手條先生行事稍加潤色  
而爲之狀備採擇焉狀曰先生諱某字懋忠別  
號葵暘裔出江夏文彊後徙婺再徙豫章子姓

蕃衍散處江右國初諱某者起新淦從軍後從  
宜春侯戍鷹揚武雄洪武九年隸蘇州衛守禦  
嘉興千戶所遂爲嘉興人世有隱德高祖諱鑑  
曾祖諱盛仕爲禮部司務祖諱鶴年贈中憲大  
夫直隸安慶府知府父諱鏞嘉靖丙辰進士歷  
湖廣貴州按察司副使致仕娶葉恭人生三子  
先生其仲也先生幼岐嶷五歲就外傳日誦千  
言目數行下一過不忘試以對偶應聲而出爲  
之師者無以難十歲能文十五業大就而葉恭

套音酒凡  
物重套  
者兩套  
音俗作  
大套長  
同

人卒先生居喪哀毀幾至成瘵丁巳服闋檇郡  
庠生文譽鵲起時副使公宦遊京師而先生從  
昆弟下帷里中自相師友足不履戶外副使公  
雅以儉訓先生囊無子母之畜其配沈恭人躬  
織紉以佐薪水不給至脫簪珥絕不令先生知  
先生得肆力于文以就其名恭人有助焉先生  
素抱羸疾勞過則齒血如涌而為文必冥目枯  
坐極深沉之思雖太山崩于前麋鹿興于左不  
知也文成始欣躍鼓舞以為常有時齒血涌出  
快雪堂集

卷之十八

楮且殷矣但呼水漱滌擲管自若其攻苦如此  
嘉靖辛酉甲子時義益趨浮靡屠沽兒誦套文  
千篇便可得意場屋而先生不屑也抱玉自如  
寧甘再削丁卯歲莊皇帝改元有詔釐正文體  
先生遂發解制義一出都人士洒然易慮以從  
所在為之紙貴戊辰會試以犯忌不終場辛未  
遂以尚書掄魁蓋新建鄧先生居首而先生次  
之俱人望也廷試名在二甲十三選授翰林庶  
吉士又以古文辭屈其曹偶癸酉授編修甲戌

補內書堂授中涓書丙子同修大明會典直起  
居注丁丑禮闈先生宜爲分考而伯兄當入試  
先生意如有所避者乃持父書力辭之當事者  
當事者不無有所恨而伯兄果以其年成進士  
四月冊封諸藩先生得大梁以歸尋丁外艱辛  
已服闋補原官修會典直起居如故壬午皇長  
子生賜先生玉帶麒麟服充正使頒詔朝鮮享  
覲有加禮先生悉封藉授承旨歸之是時朝鮮  
政衰溺文墨而疎武畧先生曰是非北薄虜東  
快雪堂集

卷之十八

十九

薄倭者耶一旦不支我外蔽撤已乃備咨其國  
都山川形勢成一編曰輶軒錄越十年而果有  
金山之役先生先見之矣是年秋叅政君舉于  
順天癸未余幸從先生職禮闈分考先生主三  
禮得人最多甲申先生充經筵展書官尋掌誥  
勅乙酉始命京朝官自詞林以下充各省考試  
官而先生得福建所舉多名士還朝考九年滿  
陞侍讀丙戌叅政君成進士而先生亦以是歲  
充經筵講官丁亥大明會典成先生陞右春坊

右庶子兼侍讀其秋充日講官戊子先生與盛公訥同典順天鄉試舉婁江王衡爲首其他名士甚夥而言者以爲先生私宰相子競起攻之至他所引繩批根者俱涉影響無事實所指摘凡七人上命集公卿廷試之文俱及格于是上絀言者而先生以明年己丑陞少詹事兼侍讀學士掌院事仍充經筵日講官然先生竟以言者故意悒悒不自得屢疏以病請朝廷留之不得乃予告給道里費馳驛歸歸而葺先人舊廬快雪堂集

卷之十八

二十一

顏其堂曰碩寬日攤書盤薄其中幼子承昊長孫申錫先後充諸生先生每索其課親評教之諸執經門下者日益夥先生孜孜接引戶外屢常滿暇則進諸朋舊對奕飛觴談諧送日至丙夜不休有語及時事者呼太白浮之先生爲人慎密于人物寡所臧否酒後耳熱間感慨時事偶及新貴人陰客居酒間得先生語謁見新貴人輒奉以爲贊其得謗多以此屏居十年絕意輦下而人猶有不釋然者晚年自放于聲伎示

不復起。然非其好也。先生先病瘍，誤服寒藥，傷脾。庚子秋，遊武林，疾作，驟下，遂喑不語。時呼筆書，所欲吐，大抵多詢故人門生，進取狀而不及。私抵家而易簣。春秋六十，生嘉靖辛丑九月某日卒。萬曆庚子八月某日娶沈氏，先封孺人。以子叅政君貴，進封恭人。子二：承玄，卽叅政君，娶屠氏，廣州知府屠公謙女，封恭人。次承昊，郡庠生，娶給事中海寧沈公淳女。女五：一適太學生周應懿，一適刑部主事陸錫恩，一適郡庠生吳

顯科一字太學生李懋端，早夭。俱沈恭人出。一適邑庠生呂元啟，側室沈氏出。孫男二：申錫，邑庠生，娶禮部郎中董公嗣成女。卯錫，娶太學生項君某女。孫女三：一字御史吳公弘濟子庠生兆榮，一字職方郎中申公用懋子某，一字太學生吳君瑞徵子恪，俱承玄出。叅政君卜以明年壬寅之正月初三日奉先生柩厝于思二都藏字圩之新阡，嗚呼先生著作原本六經而取衷左馬詩擬初唐排偶之文，汰唐之靡宗宋之典

程士諸錄則博通古今汪洋恣肆而歸之經術  
歸田後有秀水邑志已稍次生平所撰述爲碧  
山學士集及蒐輯國朝作者曰皇明文憲成一  
家言未竟殺青而沒先生初以博士業著聲其  
談博士業至宇宙之寥廓鬼神之幽深人事政  
務之紛拏俚言巷語之猥褻無所不滲入聽者  
或不省獨先生精心饒爲之興到擷管老而不  
已居平好獎借後學以成其名鄉曲京輦卑寒  
之士賴先生嘘引後登仕籍者不可以指數先  
快雪堂集

卷之十八

生沒一年所而婁江王君以會魁鼎甲官翰林  
先生其欣欣地下乎哉余與長公同年進士而  
叅政君始爲諸生時于余又有門牆之舊況重  
以生平知己則先生不朽之事固余所願爲先  
驅者也謹狀

沈茂仁行狀

嗟乎傷哉余何忍狀吾茂仁耶吾鄉丁丑與館  
選者四人茂仁最少爲選首後四人者俱留補  
史官亦前後異數也今十餘年間公亮與余歸

林壑而茂仁爲異物獨陸生一人尊顯無恙耳  
美好者不祥之器豈不信然茂仁在時已樂閒靜不親外  
事所生惟茂仁乃令其垂白哭子哭子之後又  
哭錢恭人哭幼孫慘毒備至天何忍于茂仁又  
何忍于存石先生也傷哉江南沈最盛而茂仁  
所出爲長溪沈氏其先故汴人宋南渡後居會  
稽尋徙華亭之七保元季有庭芝者自華亭徙  
嘉興遷善鄉庭芝生瑾字子厚始贅秀水思賢

鄉之長溪遂爲長溪沈氏之祖子厚生大用公  
璫大用生竹隱公淵竹隱生怡筠公度是爲茂  
仁高祖曾祖東園公諱某封徵仕郎刑科給事  
中祖石雲公諱某嘉靖己丑進士歷官刑科給  
事中湖廣布政司叅議父存石先生名某嘉靖  
己未進士歷官陝西按察司副使母錢封恭人  
長溪之沈至東園公始大稱望族自石雲公而  
下至茂仁起家進士三世矣茂仁諱自邠茂仁  
其字別號几軒初錢恭人艱于子比壯妊茂仁



夢神人謂曰須風雨當抱送媿身之夕果大風  
雨妊十一月而生其年東南倭亂茂仁生未彌  
月卽攜之奔避甫五旬寄乳于外親陸氏茂仁  
自幼嚴重簡默不爲嬉戲既就外傳屈首受業  
如成人不視俳優八九歲能作斗大書漸通篆  
隸比長屬文清典不爲鈎棘險怪之體爲五字  
詩遂入格律十八充邑諸生學使者滕公某賞  
其文首拔之其年領鄉薦次年上春官不售而  
存石先生補少叅山東奉錢恭人之任因登泰  
快雪堂集

卷之十八

二十四

山鄒嶧超然有凌霄漢遺塵俗之志自是交道  
益廣爲詩若文益工丁丑以尚書掄魁入辭館  
春秋閣試屢得首名聲光赫赫爲一時辭臣之  
最片紙隻字得之者無不殷重珍惜已卯秋授  
翰林檢討以先年上兩官徽號恩進階徵仕郎  
與修大明會典癸未充會試同考所錄士俱海  
內名流其夏持節冊封德魯二藩例有餽贐悉  
却不受丁亥會典成遷修撰充內書堂教習未  
幾充經筵展書兼筦誥勅浸浸嚮用矣戊子存

石先生病于家而茂仁病于京邸病俱甚幾不得相見已而各有間茂仁乃亟謀歸省時當被命典省試力辭不赴曰吾忍以得士易吾親一日之養耶以其年冬十月歸在道凡三月有述征詩若文綿麗深厚在辭林著作之上初發都亭屬劇病後氣血未復途中復苦酬應以故抵家宿疾間作次年初夏以哭撫臺滕公一至武林卽癸酉歲爲督學拔茂仁首名者其秋又一至武塘當湖時存石先生略健七箸方擬奉之快雪堂集

卷之十八

三五

泛舟吳中歷諸名勝爲樂而茂仁病矣病以脾遂沈篤醫藥禱祀萬方終無效兩月而殞傷哉臨沒神氣不亂前二日猶索筆作草書累紙大意以高堂不能終養爲恨字畫模糊不能深辨嗚呼傷哉茂仁生嘉靖甲寅四月十五日卒萬曆己丑九月三十日春秋三十有六配王氏封孺人江西布政司叅政俸之女子男三長麟禎聘國子博士陳公泰來女次鳳禎次鸞禎殤女二一字少詹事黃公洪憲次子某一字工部主

事項公德禎長子鼎鉉茂仁貌不喻中人善病清羸若不勝衣其言呐呐然如不出口與人交和而不隨性孝友恬素雖家温早達官禁近奉養不異寒峻生平無疾言遠色足不履狹邪于書無所不窺爲文辭援筆立就不事搜討而精意疊疊深中尺度詩不名一家冲夷雅俊類其爲人著作甚富先梓傳者歸省述征及晝遊麋詠二編嘗指可以識鼎味矣使天與之年究其施用豈特以文章爲國華也哉萬里之行未半

快雪堂集

卷之十八

二十六

而車敗馬摧深可嘆也余生平疏濶而茂仁温謹宜其相垂而最荷草木臭味之知丁丑秋江陵公奪情事起茂仁在同館兄弟間頗能扼腕私憂非憤憤者而癸未禮闈余實同事或以疑似引繩批根則余之寸赤可爲茂仁剖也傷哉茂仁歸省之閱月會陸敬承典試江西還朝余追送之晤于平望時茂仁三謝冲三人相見甚驩洽其明白訪茂仁于家一宿而別自此永訣矣傷哉茂仁以華妙之才居著作之庭無浮湘

賦鵬之感而有晝錦斑斕之樂可謂遇時矣而壯圖屈于短算長駕促于頽齡使白頭之親淚盡青春之婦影孤神理痛酷非可云喻所恃以慰于地下者藐諸孤之奮飛而表于後世者大君子之褒借耳敢陳梗概伏俟採存謹狀

貴州按察司副使提督學校包瑞溪先生  
洎配曹宜人行狀

包先生之解官歸也以忤新鄭相年始三十有八人謂先生才器未展十之一宜復用而先生快雪堂集

卷之十八

二十七

竟優悠林下二十餘年以沒余得交先生最晚最爲先生所知命其長子世熙以女字余幼兒既成言而世熙死又數年而先生與其配曹宜人相繼沒先是余赴官白下匆匆過舊里先生夜半過余舟款叙而別未三月訃聞嗟乎天何不憖遺善人而奪之速耶居久之孝廉襲明次先生與曹宜人生平屬余爲狀余安敢辭先生諱檉芳字子柳別號瑞溪世爲郡之嘉興人自唐何偕以詩名顯而宋孝肅以忠直稱名臣

包氏遂爲海內甲族入國朝簪纓益盛高祖俊封南京禮部郎中曾祖鼎池州知府祖憑贈湖廣按察使司僉事父沭四川布政司叅議母張封宜人先生幼警敏讀書一再過成誦九歲喪母哭踊如成人伯父御史吳石公以小曾閔目之旣爲諸生讀書東墟僧舍蘼鹽自怡一鐙丙夜誦讀不休甫弱冠與叅議公同舉于鄉明年丙辰成進士授魏縣令人謂先生少年治邑必露材穎乃先生下車滌煩苛行平恕尤好崇獎

快雪堂集

卷之十八

三十八

孝義勸課學校邑中翕然顧化在任四載擢刑部主事每受事精意求情叅酌比擬務從寬減休衙則取故案未結者細閱之或有生路卽白大司寇立爲平反與同舍郎約五日一會叅詳律文上下勿令有害易活人而交遊宴集一槩謝絕曰無以此溷乃公也世廟時大臣言官得罪係者甚多先生疏救言官沈束慙直可恕不報後束竟遇赦歸錦衣衛鞫囚榜笞隨斃始送法司意在箝口以爲故事先生請付刑曹叅詳

者母先入錦衣死局中從之囚多獲生矣婁東  
王中丞華亭楊給事之死先生實監刑時怵柄  
臣威兩家妻孥飲泣次且不敢前吐一語先生  
密勅左右毋得恐喝令從容面訣又親爲經紀  
其喪津助嫠弱聞者爲先生咋舌甲子徙儀制  
郎中新鄭相時爲宗伯邑有歲貢缺語先生移  
書令以所厚某充賦先生從容言科貢賢途當  
持至公侵有司壞法紀不便新鄭面發赤反復  
言之卒不可忤意而出送先生不下階先生正

色曰尚書送屬官具有故事毋令他日言壞例  
自某始新鄭愈怒勉送之下階自此必欲以法  
中先生矣未幾先生擢貴州按察副使督學政  
以去會新鄭在政府已巳以首揆署銓乃追詆  
先生不任儀制謫判揚州轉運到官甫六日量  
移同知邵武府時民有黨斗者倡亂先生密爲  
部署三月就禽兩臺使者且圖上先生功而先  
生竟中外計以運判逐矣先生自儀制出再經  
內外計例不得更追論而新鄭不顧行之惠生

既歸叅議公猶在蜀新鄭怒未已會有構之者  
遂署致仕顧視吏曰誰令若生崛強兒抗我父  
子相見于家先生泣曰柰何以兒故累大人父  
曰吾家世清白今吾汝幸非墨敗而以權貴人  
他日可以見先人地下矣先生性至孝事叅議  
公張宜人曲得其驩心病則躬侍湯藥不解帶  
不交睫以爲常居喪哭泣過傷哀感行路時享  
忌祭悲同始喪布衣蔬食淚常盈睫或親賓嘉  
會一語及二親卽潛然罷七箸至老亦然其篤

孝如此先生爲人好恢諧談笑而敦氣義立然  
諾濟人緩急解人紛難施而不有功而不居有  
古篤行長者之風初入仕時卽捐米賑宗黨有  
差自後歲行之積四十年所捐不下數萬石又  
置宅一區以居族若親故數十家荒則粥之病  
則藥之死則櫬之冤苦則伸之自親故里間以  
逮耳目所及約前後全活幾以國量族妹嫁董  
氏早寡遺三歲孤先生憫其清苦歲捐金助之  
且訓其孤至成立曹一琴者婦從弟也病且死

伯去去  
切東齊  
謂之情

嘆曰安得長者如包公而托之孤吾瞑矣先生  
聞立馳視之家爲辦護後事揚王官諸學博二  
女兄倩也二女兄早世先生與兩倩親厚如同  
氣終身其子若孫恩撫之如已出張首峰者張  
宜人弟先生貴且老侍張公傍若有問必起拱  
立以對調護疴癢視爲兒時不異黃生者張公  
壻力學不遇先生助入貲充成均生已而失偶  
不能續復爲營娶諸生張嘉昌者故主政張清  
源親弟積逋國稅坐法解撫院當笞且囊木遣  
快雪堂集

卷之十八

三十一

先生徐語撫院此子之兄與老父同年卽公同  
之弟也撫院悟立釋之鄰人某者與先生鄰二  
十年矣僕竊財而逃其妻縊僕及妻父母欲中  
以大辟合爲詐局某惶遽亦擬自縊先生聞狀  
曰鄰我二十年而不聞姓名安分可知立白其  
冤一日入城聞道傍啼聲甚悲召問之云母死  
不能殮貸鄰家物將以質金而遭盜先生語于  
官急掩捕得盜而質物已去其人謝且泣曰竟  
無以殮也先生立償之甥屠某召客飲陸某與



焉夜醉亡酒溺死屠坐重論先生白其寃于撫  
院駁如先生指後竟得白松有沈孝子者某訟  
之張郡丞某故丞史沈乞書先生夜秉燭相對  
勞苦遣人護其行且助資斧又手批一札令人  
陰爲之解其人竟得直里有二女以貞孝聞先  
生具白郡守旌其廬又親顧之歲助薪米偶見  
吳中陳生文賞之力薦之郡邑遂爲諸生其父  
持金爲先生壽笑謝去山塘陸翁孫貧而好學  
每試先生必薦之甚則轉相引托如子姓然或  
快雪堂集

卷之十八

三十三

疑而廉之則貧書生耳乃悅服先生在吳中嘗  
入一敝廬詢之則祝京兆故居也祝故清介久  
沒不及祀典先生乃爲言直指得祀于鄉華亭  
張昉年七十有隱操窮老無家挈其子托道官  
耳室先生每至必訪之助薪米終其身先生見  
義必爲一善不遺太率皆此類也包氏之先有  
贅華亭者族姓繁衍與嘉興埒而兩御史蒙泉  
節吳

在世宗朝俱有直聲其子孫能世其

家然兩御史沒後三十餘年而學宮俎豆未舉

先生爲請之當事者始得與海忠介公一時並  
祀而先生每歲必之雲間慶弔賓祭扁舟往來  
無間也先生晚歲喜遊遇佳山水輒止而在吳  
中尤多棲遲洞庭樂而忘歸亦一至天台鴈蕩  
留連永嘉半歲歸而爲余叙其所歷余以當臥  
遊矣先生之遊省資裝却騶馭一二童子裹書  
撲被從之便可旬月千里以故雖馳徑鳥道俱  
及扳躋又喜詢謠俗問疾苦脫驂棄舟往往有  
之諸所歷聞先生歸無不洒泣送別至有追送  
快雪堂集

卷之十八

三十五

數百里者山中父老咸曰他人遊不過領略風  
月如包公遊乃是種福田耳在家則掃一室左  
右圖書日娛其中未嘗置牙籌及寶玉玩好性  
不嗜酒客至烹葵剪蔬談說壘壘有園濱南湖  
風日晴美操小舟從之菰蒲相接水鳥飛鳴冷  
然得趣已垂老手不釋卷聞有異書卽僻巷環  
堵必徒步相訪尤喜佛家因果之說一切逆境  
處之欣如嘗遊周莊寺遇醉人狂詈蒼頭以先  
生止之詈益甚且持大石爲相犯狀先生時閱

相音解又  
音解也

楞嚴目不一瞬其人媿出吳門道中兩舟相角  
先生舟適過篙誤及先生額先生默自若同舟  
者詰先生笑曰爾時恐僕夫報復寧忍痛耳此  
可以窺先生度量矣生平未嘗失信于人  
幼雛不憚遠道聞人一善嗟嘆不已聞人之過  
噤不出聲論古人成敗曰不可輕責人以死每  
教人惜福曰食祿有盡教人安分曰缺陷世界  
又曰凡人避嫌謗者非真爲善也凡爲善使子  
孫知及他人知者亦非真爲善也俱名言云所  
快雪堂集 卷之十八 三十四

著古辨僅成一卷藏于家配曹宜人名族女生  
平湖新帶鎮父越山公來母沈越山公之仲兄  
禾爲給諫從子光爲御史臺省赫奕宗黨趣之  
若赴而越山公恬素自如宜人其長女愛之踰  
于男欲得名倩先是越山公與叅議公同窻友  
善故有意先生時猶在襁褓遂以宜人字焉嘗  
戲拍叅議公肩曰此襁中兒成名君鳳將鷄矣  
相與大笑後果成識宜人十八歸包祖姑性卞  
急操下如束濕姑每勿堪宜人中調之兩得其

驪是時家中落姑婦析處而隔一垣姑常以不  
聞新婦爲異先生令魏至郎署宜人皆從其在  
魏也姑患瘍甚動止須人宜人扶掖惟謹甘飴  
必手調以進姑安其孝先生爲刑部主事滿考  
始封安人進宜人時已生二子而先生自儀郎  
擢貴州督學憚遠且憐二子幼與先生約曰君  
爲國任一方多士妾爲君任兩兒可乎于是先  
生單車行已謫維揚擢丞邵武宜人復從無何  
計報至邵武人德先生爭爲詩歌謠頌榜之市  
快雪堂集

卷之十八

三五

老稚泣送擁車不能前宜人笑謂曰此豈丞相  
所能爲哉欣然御先生歸宜人性孝友事舅若  
姑滌器調羹曲伸敬潔姑老患風疾諸婢環立  
不堪給使非新婦手進截脯弗甘也卽宜人自  
以爲不在姑側弗娛也先生有孽弟宜人視如  
已出娶同胞妹沈室之叔埒兒嬭埒媳云仲叔  
姒三待之俱有恩禮愛弟某者屢扞罔擯死而  
宜人出橐金百計庇之先生雖重拂宜人意而  
少損襟抱亦由此矣先生擴落不問家人作業

新正  
新正  
義不  
引紅  
志不  
龍

宜人躬操家業肅若朝典無論吉凶大故卽一切筐篚米鹽井井中程度閩以內斬如平生無妄施眩飾淡泊自持獨能成先生之志好行其德不休晚歲佞佛喜樓居時誦經呪自懺少壯語業卽僮婢呵譴彌寡矣先是宜人以脾傷不嗜飲食支吾四閱月醫巫技殫而先生健自若元宵前一夕月大明先生散步中庭洒然對僮僕夜且半矣忽稱疾入室未安而逝不旬日宜人亦逝傷哉先生生嘉靖十三年甲午某月日快雪堂集

卷之十八

三五

卒萬曆丙申某月日年六十有三宜人生嘉靖十四年乙未某月日卒萬曆丙申正月某日年六十二宜人生二子一女長世熙太學生先卒性至孝未死數年前感異夢禱于神願減已算延父壽備載余所作包孝子傳次世杰壬午舉人出後某女適諸生項德棻世熙娶太學生屠君叔章女生子一鶴齡縣庠生娶行人楊公應時女玄長字余幼子辟邪次未字世杰娶太學生金君滕女子二長鴻達秀水庠生娶工部主

事項公承芳女金出次幼未名側室龐出女四  
長字左春坊左庶子兼侍讀朱公國祚子大猷  
次未字次字太學生馮君伯禮子洪景次字行  
人陸公彥章子景象俱金出曾孫女二鴻達出  
先生年五十時二子已析產先生手記喻教之  
甚至具載孝廉君行實中馮夢禎曰以包先生  
之才宜試之萬里長途乃出門未幾而車馬摧  
敗傷其遠到則權貴人之以惜哉然先生居林  
下二十五年種德累仁能行其意子姓彬彬足  
快雪堂集

卷之十八

三十七

快

當庭階玉樹孝廉君且畜極而光爲清時瑞挹  
彼注茲天道自可信也每憶癸未讀禮時屬楞  
嚴再興名僧至止先生與陸太宰實肩匡護之  
事晚乃挈余法喜禪悅之外兼及世事班荆揮  
麈匪日伊月去今僅餘十年所而兩先生相繼  
化爲異物老成凋謝典刑可思不覺泫然矣乃  
按孝廉君所著行實作包先生夫婦狀惟立言  
君子採存焉

快雪堂集卷之十八

快雪堂集卷之十九

秀水馮夢禎開之著

行狀

南京通政司叅議朱公洎配勅贈孺人施

氏行狀

嗟乎吾友朱汝虞卒于南都官邸貧不能殮賴  
同年同鄉二三大夫醢金殮而歸之并卹其孤  
呂克襄大事今墓有宿草矣而墓中之石尚有  
待也夢禎于汝虞同鄉舉同薦禮闈又同里閭  
快雪堂集 卷之十九

卷之十九

一

最爲汝虞所知愛晚同官于南京者數年尤爲  
篤密汝虞爲人清苦取予甚嚴而喜施捨體氣  
羸弱如不勝衣而遇事能斷三軍不可奪居官  
守職不可撓以私兩令劇邑一郎南考功典大  
計一督江西學政三歷卿寺俱有清謹聲旦莫  
且膺顯擢大用而竟不離五品以死死無以庇  
其家子孫貧窶廉吏可爲而不可爲傷哉狀曰  
公姓朱氏諱廷益字汝虞別號虞巽其先派于  
紫陽千一公者自婺源徙嘉善之思賢鄉好行

豚音源  
錄其飲

陰德凡若干傳至公曾祖忍菴公諱鳳祖象齋公諱某父方濠公諱建侯三世俱爲廣文以世載其德而方濠公以公貴覃恩封文林郎方濠公娶張太孺人生三子仲卽公公生而面骨稜稜起高準豐顙音吐洪亮穎慧不羣七歲作蝴蝶詩里中奇之父以公孩幼未令夜讀公每匿火幃中伺父熟臥卽出火擁被而坐潛精文典三餘靡怠十四補郡庠生試輒先其儕偶時已知章句外自有別學不欲以俗儒自命而竊有快雪堂集

卷之十九

二

契于王文成致良知之旨嘗書忠孝二聯座右大父象齋公私喜曰此子足亢吾宗矣會卹刑使者肅公某執弟子禮謁象齋公而鄉人有願借一言未減其大辟者象齋公故可以謂公公毅然曰吾家世清白柰何喪之象齋公喜曰吾以嘗汝耳自此每事必呼公籌可否庚午舉于鄉曹偶或飾僕從治裘馬而公歛迹蕭寺誦讀自如或欸公卮酒坐有聲妓卽弗袖起其莊正如此丁丑成進士補閩之漳浦令奉張太孺人



凡五日隊  
物交易以

以行下車問民疾苦一切供需常例俱謝不用  
歲比不登捐俸六十金賑饑徒跣野外手調粥  
糜躬自散給全活甚衆他如築城塹之頽圯者  
新馬道之湫隘者凡是墮廢悉就修舉而民不  
告勞旰江羅近溪先生主盟理學慕公善政千  
里命駕論學五晝夜相得甚驩大書清白人家  
四字遺公而別漳守曹公某病革公往視相斂  
并經紀其喪不遺餘力在邑數年惠政甚夥而  
竟以賑冊稽遲被論降級行時士民遮道留公  
快雪堂集 卷之十九 三

贈言成帙板號至五百里外癸未赴闕補連州  
判官未任補令嘉定時饑疫相仍公蒿目棘心  
勞瘁萬狀四閱月不雨公宿齋七日步禱于郊  
壇與神約三日不雨下吏且與神共焚精誠所  
孚大雨滂霑邑又苦漕兌公懇請于大司農改  
折二十萬石歲省民財以五萬計又疲于征布  
哀控監司少馳其期其他滌川源闢蕪田置賦  
冊稽納由于以防剔奸蠹功數倍于漳邑去攜  
李三百餘里而家耗不通三歲外家以久曠縣

情置尺書便羽公立火之堂丙戌冬奏最將行  
曹椽以公費請公麾之去單騎入都有叩于逆  
旅者曰小臣未覲天子何敢私交托疾不見卽  
常贄亦槩不行天子掄其治行上上且有銓曹  
之擢而公依依三親遂得南儀部行過吳門嘉  
之人扳轅哀戀以旃檀肖公而尸祝之去思碑  
文出太宗伯泰室徐公手而鄉民復建生祠于  
婁塘孫大史栢潭題詩祠中有面有憂民萬年  
色天知報國一生心之句此足槩公生平矣公  
快雪堂集

卷之十九

四

在儀部闡發易義數萬言直探玄指故事禮曹  
設晏費公出伶官公悉屏去未幾徙南文選遷  
考功郎丁亥大計實公秉鑒一私不溷少宰海  
忠介公深相笑許引爲同志己丑擢僉事督江  
西學甄叙至公于請屏絕首訪先賢徐孺子陸  
象山謝疊山羅文貞楊文恪及死事忠臣鄒公  
瑾魏公冕後裔以禮優錄復訪布衣章潢黃托  
躬詣其廬聘主白鹿洞教席有諭士至言射禮  
儀節二書行于南州公在信當道有越禁飛札

者公不納責遣其人比至建武益王餽古琴公受而檄諸學宮曰此琴貯文廟以彰賢王崇儒雅意翌日以妃弟囑公公婉謝曰校閱時何由私識且執法所以敬王也及發卷果在劣等公凡校閱日有常課不惜勞瘁二載再周十三郡銓叙不爽最爲青衿所服辛卯冬擢南光祿少卿次年秋抵任居無何南大理丞缺司銓者以鄒爾瞻請公副之公蒙黜用公上疏以疾辭新命而力薦爾瞻大畧謂臣元標孤忠未白拔擢

快雪堂集

卷之十九

五

宜新柰何以驚乘先之上不可再疏復不可乃就職每訊一獄殫精以求生路按之典故多所駁勘夜則誦易不休或以勞瘁諫者公曰聖賢學問多從人事上磨鍊出來天行健不行息矣癸巳歲都御史李漸菴公侍郎趙定宇公相繼去位公上疏言邪說易搖老成當惜侃侃千言留中不報是冬哭方濂公歸哀毀踰禮家食數年每至絕糧則朗吟康節詩慰太孺人曰人之受用自有劑量于此不足于彼有餘毋以目前

爲介介適有門人遠餽十金者不啟緘擲還之  
或以居間請拒不應侍御唐公某按浙薦公云  
溫恭則金和玉粹孤介則古栢蒼松掄文夙號  
道德文宗讀禮雅稱廉靖孝子蓋肖公一班矣  
戊戌太孺人以家貧促公北上行至雲陽嘆曰  
母老矣官非祿仕之官可輕進耶因趙開府某  
以中途患病陳乞未報秋起南通政司叅議已  
亥春親導母輿之任其時通政使楊公止菴以  
入最行公秉篆清晨視事省呈詞慎批發盡絕

快雪堂集

卷之十九

六

弊竇時論稱之江右一友謁公歡然道故次日  
遣僕上書稍以事涉卽枷示于門一徽人鬻婦  
以償國稅外家具牒呈司公憫之捐金完稅婦  
得無鬻銀臺舊無志公按古今手自編摩越月  
而成志官署日就傾圮計無復之乃謀之少宰  
李公捐俸鳩工起建中堂後房各五楹書室三  
楹顏其堂曰觀省而自爲之記目擊礦稅橫行  
多所株連上疏言奸黨蠱惑未已重地騷動可  
虞要在正本清源而歸之法祖不報庚子春推

陞太常少卿提督四夷館再推太僕少卿命未下是秋當以五品秩報滿貧不堪治行猶豫久之遂病痢十餘日稱篤家人請遺命緘口不言索筆書曰辛苦一生惟傍母田園烏有尚攜孫正襟袖手而逝先是初夏有夢公駕雲霧而上天樂沸空者先一夕復見巨星如斗洪光燭天墜于室中哲人云萎此其兆歟公律身以正持家以嚴筮仕至卒二十四年茹苦安貧食無兼味衣無重采半刺不交公門一介不入私橐天

快雪堂集

卷之十九

七

性至孝方濠公沒後事張太孺人尤謹太孺人性廣大公卽至貧必具甘脆備使令曲爲娛悅其意惟恐有失公自居封公憂時卽轉質余故廬以居聲問密邇以故知之特詳公坐立言笑儼然純儒平生無大喜嘗抱身世之憂獨獎與後進推心引薦及便民利物之事盡言贊成不令人知不受人報端居喜著書掇拾遺文存者語錄一卷疏稿一卷雜詠百首總名之曰世清堂遺稿公沒後數月邑侯鄭君首倡公議請于

學使洪公祀公鄉賢輿論悅服所謂鄉先生沒而可祭于社者其斯人與公娶施氏贈孺人從公仕閩而卒繼吳江汝氏施孺人吾郡望族父諱普太學生出後穆塘公某娶陳氏而生孺人早歲明慧父母與穆塘公最憐愛之重所字一日穆塘公笑謂家人曰得壻矣朱氏子他日當爲五品京卿遂以字公其言竟驗孺人生三歲而孤事寡母孝謹長通曲禮內則列女傳諸書時摘要語錄置座右以收韋弦之益十六歸于快雪堂集

卷之十九

八

朱處尊章上下無所不宜施氏故饒孺人奩具頗盛時出以佐公讀若二尊人甘脆及公成進士猶存其半後佐公仕而始盡耳公嘗謂余言之淚滔滔下孺人卒于漳浦署中先是孺人思其母夫人甚篤會得家書則叔氏報其母之計者誤以爲其母也一慟幾絕已乃知其非復起此病腹堅如石扣之訇然閱月而卒時束純甫十許歲未卒時前手一篋謂公曰請襲此備兒婚遂瞑傷哉公生于嘉靖丙午某月日卒于萬

曆庚子某月日。春秋五十有五。施孺人。生于嘉靖庚戌某月日。卒于萬曆辛巳正月二十五日。春秋三十有二子。一卽衷純。邑庠生。娶馬氏。比部郎當湖馬公應圖女孫。一肇坤。邑庠生。孫女二。未字。公葬嘉善縣爲字圩震山之原。施孺人配葬。以某月日。謹以文學君所述行畧。稍加芟潤。爲狀。以請于當世。立言君子。其惠之。銘以光不朽。幸甚。謹狀。

雲南楚雄府知府常公暨配勅封孺人濮

快雪堂集

卷之十九

九

氏行狀

余之舉隆慶庚午鄉薦也。與楚雄公泊平湖馬。心易應圖。同出歛汪師立伯之門。余齒稍稚。兄事公。公才甚高。又鍊習世故而余簡傲多所忽遺。公匡余不逮甚多。萬曆丁丑。余與心易成進士。又六年癸未。公以乙科。首授太倉州學正。到官。日進州士課之。却脩脯。勤董率。恤貧弱。扶寬抑。修廢隳。州士嚴而父戴之。州有鉅公兩王先生者。時俱里居。兩先生文章氣節。奔走海以內。

其所推轂片言脫口不踴而走萬里亦最知公以故公名益起無不翹首願公成進士至大用者在州六年兩與計偕故事廣文與計偕無兩者有之自癸未乙科始而公最後計偕由貴陽衡士往星馳萬八千里比至京後試期數日竟不得成進士以博士高等擢國子博士轉南國子丞又轉南大理評事進右寺正俱能勤其職公之丞南國子也余適自山中起補少司成與公同事四閱月而公徙余尋轉南翰長擢祭酒

從公留都者凡五年無旬日不相見受公忠益良多戊戌秋余中言者且歸而公有楚雄之擢公平日喜談祿命余亦染指每相過袖中出生干支七政所麗宮宿圖訂其歲月運限休咎余先期謂公余大限傷官剋度太歲激之得歸幸矣乃公當轉官無何俱驗然公時支逢劫而大限天官剋度不遙不利遠宦計不能阻公行益私憂之而公宜濮孺人生平無經年別茲以多病不能從公念之甚篤對親賓語及輒淚下不



止乃以長子聿超自侍念未有孫爲置貳金從  
而少子聿起侍母去住之悲聞者悽斷公蒞楚  
雄有惠政居歲餘疾作爲庚子四月至八月卽  
世先是新曆至公于八月某日下硃書巳未丙  
時四字竟以其日時易簣先是公大父瀟官思  
恩幕而父贈公禾從父子相繼沒于官邸僅越  
一宿公病甚謂聿超曰常氏迨我三世客死蓋  
有數焉亦何憾惜不及訣汝母幸汝妾有孕得  
生男慰吾地下足矣吾入仕十八年汝未嘗去

快雪堂集

卷之十九

十一

吾側萬里歸樞今又累汝汝歸致吾治命汝母  
及汝弟妹其各自愛無過慟并勗汝弟讀書無  
忘箕裘遂瞑公沒後聿超貳果生男而聿起亦  
舉一男于家同時錫公二孫可謂善人之報柰  
何不令公生存時見之天故未易詰巳辛丑四  
月公柩至自楚雄在道逾半歲間關水陸艱苦  
萬狀殞于城西三里北與龍淵三塔相直以待  
吉卜濮孺人故多病以哭公益甚後公二年卒  
狀曰公諱文烱字叔明別號仰坡世爲秀水人

常氏之先黃帝相後遠祖樞爲太士師漢至南  
北朝惠忠爽稱名公卿唐迄宋登進士者八十  
五人河南公袞敏節公安民忠毅公同其最著  
者忠毅自蜀徙鹽官其後有尚書楸國學進士  
世卿有聲當時楸祀學宮鄉賢十一傳入國朝  
爲雷州知府士昌士昌徙秀水遂著籍焉士昌  
生縉贈職方員外郎縉生麟歷禮部侍郎麟弟  
龍壽州知州龍生灞思恩府經歷灞生禾嫻于  
經術而無年以公最南大理贈文林郎配張贈  
快雪堂集

卷之十九

十三

孺人三子仲爲公贈公訃至自思恩邸公始五  
齡爲孺子泣稍長事張孺人定省如禮歲時之  
祭痛不逮贈公偕母氏簌簌隕淚以爲常比就  
外傳警敏端靜異常兒屬對天成塾師避席九  
歲卽善屬文受經故御史戚公于國吏部郎鄒  
公一儒負出藍之譽十五補邑諸生二十二廩  
于學宮公在黌校大有時名每試輒冠其儕偶  
執經請益之徒踵至賴其修贄爲張孺人養并  
資給伯某季某不問出入人咸服公孝友公舉

于鄉年三十四矣。先時鄉舉者榜一啟炎徒填  
奏。扳援姻戚。或挾有司之知。辜較金錢。無卓錫  
者。非久問之。則田連阡陌矣。公端介自持。一無  
所染。以故舉後十餘年。至入仕。貧自若。性又喜  
賓客。日張筵秉燭。接納不休。薄來厚報。至舉責  
以給。公爲人寬大誠篤。與人交有終始。自親屬  
迨疎遠。以急告。必助其籌畫。始不告勞。後不任  
德。人卒負之。或加之怨。公亦不辨。且不較也。以  
故遠近服公高義。其掌教婁東也。同官滇人張  
快雪堂集

卷之十九

十三

某從一子一僕。困踣良劇。公督諸生。歲時存問。  
惟謹。張得不大落。莫諸生中有以酒食小過。幾  
釀不測。凡六輩得公而事。尋解者有爲人後。其  
先諱前後抵牾。公爲白其故者。有貢不及格。公  
憐其老貧。破格居間。後得司教山陰者。有類試  
落名。公力推挽。至入棘。而乙酉戊子。各登賢書。  
者其他。推解振拔。無算。分校貴陽。事竣道逢張  
顧二里人。哀乞于前。張爲項金。吾家幹。依所親  
之卑仕者。所親沒。遂至流落。視故鄉不啻天上。

公惻然挈之俱返。既至則張之妻以歲儉不能  
存活將改適。夜其吉期也而張適以日午至。遂  
爲夫婦如初。兩家至今尸祝。公旣去婁東諸生  
德公不已乃共伐石樹去思碑于學宮前。琅瑯  
先生作記。況公胡安定孫泰山陽司業博士。碑  
去思自公始。公在兩國學。六館士習公先聲卽  
素頑梗者無不帖帖畏而愛之。然公能持大體  
不撓貴勢。左貂猶子蔣策馬前過公。公曰此有  
所恃公立欲具疏連劾左貂。左貂恐重引咎而

請于公以教刑懲其猶子刑曹郎馬誤笞一胄  
子六館士洵洵欲甘心焉。微公諭解幾爲變。而  
少司寇沈誤以旁睨憲公後知館士散去實公  
之以乃造公謝而大不直馬郎馬郎請告去公  
久于南大理多所平反刑曹諸君或不平公曰  
吾秩卽卑麗于三法司平反吾職也。徇同官喜  
怒碌碌瀕職吾則不敢行意自若公前後所平  
反如林逢時洪仕王思聰宋科時等凡二十餘  
曹可指數已丙申秩滿所司列公考土上有粹

白一私不染乎明兩造無冤不忝高門有聲法  
局等語得予階文林郎贈封如制勅詞出華亭  
董太史手人爲公華之公在楚雄雖不久然治  
行已卓卓始至卽大書行所無事去其大甚八  
言于座右獎孝行法猶胥嚴保甲課茂異簡其  
科條而時其勸率至誠所感旬月顧化囹圄寥  
寂京庾流行臺使者同安劉公某嘉公治行擬  
首薦公以未得代先疏公稍殺浮數贖緩無私  
事請下戶部紀錄移文旌賚如格播事起順大

快雪堂集

卷之十九

十五

東西煽亂羽書旁午公爲調材官轉餉無乏儼  
然長城之寄矣他郡邑有獄不能決轉屬公者  
公出片言沉滯立剖慙愼哀矜視棘寺有加焉  
鹽官人鄭某官姚安幕赴任逾限當罰公力請  
免之甫五月暴卒守檢其橐貲二十索耳馳書  
聞公公立捐俸歛且賻之復編爲請賻其子若  
弟洎二僕始得以喪歸鹽井大使陳耄矣公故  
憐之已乃知爲鄉人降階慰藉已鹽井滷淡虧  
課千金公爲量減之而討竈戶之應償者積逋

者符其額陳得逃罪而正首丘張孺人之先原籍大理以故叅知公功世嘉興千夫長而族人在故里者尚多公召致其族諸生愈恭款洽旬日捐俸賚之婁東同官張已物故子在鶴慶距公治所半月程公召致厚贈之去公歷官政績卓卓可紀及私所樹德大都若此矣公自爲青衿鄉舉時矜名行篤倫理酌施報慎取予名燁燁動鄉閭一商挾厚聘謂必能致公公以親爲解力却之而就薄者嘗赴館度蔣家橋有遺橐快雪堂集

卷之十九

十六

金者立呼僮追其主付之不告姓氏其人感泣叩頭去公與王孝廉道厚善王病亟召公屬以後事噤不能言公顧其家若洗曲爲具棺歛并經紀其家同年胡臯暴卒而無子公徒跣哭之哀歲時存問其室不使不誠于伯高家居杜門却掃郡邑諸大夫自旅見外絕無造請有以私干者婉謝至廉得其枉抑狀輒委曲赴救有事解而其終不知者如王孝廉弟道成居停媪中以姦術門生徐應彰妻黨構之苦兩人者

幾不免虎口而公脫之他如此類未易指數尚書洎國學進士兩公墓俱在橫山樵牧于鄰氏日久公白之郡守李公盡復馬鬣之故隧石宛然已卯丁張孺人艱哭踊如禮迫得宅兆念思恩公而下子孫數百指不忍私改窆思公而贈公夫婦附及虞筴筴廬墓嘯號中墅此近世所希行者從弟爚沒解衣質母錢治歛無何兄燁亦病醫誤投劑危在呼吸間公急延老醫陳往副以西賓知醫者沈互訂方藥沉疴立起公

卽至貧宅舍不具而親戚友朋待而舉火者常十數家余嘗以貧孟嘗戲之公修幹豐頤目光炯炯居鄉有通德長者之稱蒞官有迎刃調弦之技嚴以自律寬以處人無我負人寧人負我物物庇其廣廈在在想其春風雖不登甲科躋三事而器有餘于身慶足貽于後矣濮孺人吾邑望族世有隱德青其衿者常十數無顯者父曰秋江先生諱某材畧過人淹通經史壻倪氏生二男三女季爲孺人孺人生而莊惠稍長從

父受內則孝經列女傳世範家訓諸書能解大義作字有楷法幼嘗夢觀音大士拊其背曰若相貴而夭惜福可延以故孺人特虔事大士仁儉自持雖臧獲下賤不輕詬誅秋江先生富于家而用侈無何喪其二丈夫子女遺者二膝下所憐惟季必欲配快婿會從子雲鴻與公同補諸生相善亟譽公賢故孺人歸于公以甲寅某月成禮公弱冠卽教授鄉里孺人受委養姑恪勤周慎善得張孺人意而以其餘隙爲公抄錄

程課及他書籍手女紅伴公夜讀常至丙夜不休于是外內翕然稱常氏得賢婦云又念外氏無後愆患秋江先生置貳後果得男秋江先生德孺人喜曰吾今不爲若敖氏之鬼矣秋江先生沒生平所睚眦交臂起解紛植孤收合餘燼孺人夫婦實金湯之公生平不問米鹽而好客好施予比貴益甚孺人拮据有無咄嗟而辨四十餘年如一日人以爲難張孺人之病且卒也

湯藥含斂相視惟謹暑月將事曾不告罷自癸



未迄戊戌歷任皆從婚三男遣二女備極勞瘁  
閨門之內相嚴如賓密規微詞宵旦防微生平  
所御惟粗糲布素語諸子曰貧者士之常寧有  
登枝而忘其本爾曹存之既納長婦入而見孺  
人所以事姑者如是心爲慄如居家綜理詳密  
內外斬斬暇則誦普門品以爲常課然尼師巫  
媪屏之戶外曰此輩那可親其持身閑家爲慮  
遠矣公之赴楚雄也孺人欲從而病作返自武  
林玉寄楚雄家牘牘必蠅頭細書疊疊千言無  
快雪堂集

卷之十九

十九

非規厲嗚呼賢哉公生以嘉靖丁酉某月日卒  
以萬曆庚子某月日壽六十有四孺人生以嘉  
靖甲午四月十三日卒萬曆癸卯三月二十四  
日壽七十丈夫子三長聿超南京禮部儒士娶  
沈氏邑諸生大遇女次某先公卒娶顏氏次聿  
起邑諸生娶沈氏太學生希冲女女二長壻太  
學生陳以修子邑諸生夢暘先卒次壻太學生  
沈士立子太學生豫昌孫男二聿超子一某聿  
起子一某俱幼未聘孫女六聿超四長字太學

生張問仁子景韶先卒次字諸生徐邦寧子豫  
徵次字刑部主事郁公某孫太學生嘉慶子之  
驥俱沈出次尚孫金出在一字醫官顧聯輝子  
邑諸生廷佐聿起一尚幼聿超等卜得吉壤于  
某縣某都岳將以某月日起公柩殯所葬焉而  
濮孺人配夢禎忝公同年同邑同門同官知公  
特深乃不辭聿超兄弟之請因洪君邦基所撰  
行畧洎聿超自撰濮孺人述整齊之爲狀惟立  
言大君子採焉謹狀

快雪堂集

卷之十九

二十一

呂先生行狀

呂先生故善病萬曆甲申病久死矣久之復愈  
乃築生墳與五柳莊相近先生徜徉處也遂欲  
爲生志曰昔人有謨自祭文者生志不亦可乎  
諸親故雅知先生者競述所聞以進屬郭舜舉  
裁爲行述不啻詳矣而未有所授嘗慕今婁東  
王大先生文章行誼一時師表欲因所知請之  
而先生病亟不待矣先生無子子弟之子尚幼  
從子元學爲家督有三壻俱讀書好修敦半子

之誼而李生者不佞通家兄弟行也元學因李  
生謁不佞曰願得子狀婁東先生志而死不朽  
矣不佞憐許之先生既卒乃後先介紹兩生于  
婁東先生所而請焉亦憐許之幸有以報死者  
乃參諸君子之言整齊之爲呂先生狀先生諱  
炯字心文別號雅山其先汴人宋建炎中有繼  
祖者尉崇德家焉遂爲呂氏始祖八傳至祥祥  
生以寧寧生淇先生祖也淇生相歷仕沔陽州  
判是爲種雲先生娶于趙生子三長山西行太

快雪堂集

卷之十九

二十一

僕寺丞煥季淮府儀賓燠中卽先生呂氏世受  
賈家故饒至沔陽公善什一力田治本業家乃  
大饒益務行其義賢聲蓋一邑故吾郡推轂義  
富稱崇德呂氏而以文學顯則始先生生而穎  
異至性過人十七補邑諸生于書無所不覽究  
爲文辭灑灑道古以不合累忝屢見抑于有司  
乃卒業太學爲涇野呂公內方童公所知聲譽  
鬱起嘉靖乙卯遂以第七人舉順天鄉試當是  
時倭患方起邑有築城役半屬沔陽公遂大困

城潰賊入家用蕩盡衆侮交作睚眦者乘之而起先生倉卒囊書而北卽不獲薦將遂無呂氏矣先生性警敏習事能寬忍策可否而沔陽公質直峻整不罔取予事有相齟齬重拂衆議及先生意而必不可已者先生輒出私橐佐之期于彼我兩無憾而後已不令沔陽公知之雖兄弟間不聞也佐軍興及南水門之役爲費二千金又行金錢謝里中貴人構已者雜以他費半倚辦私橐前後損先生私橐積數千金久之沔快雪堂集

卷之十九

三十三

陽公廉知之曰兒爲公家損已橐乎兒休矣乃公償之然亦不知爲數千金也沔陽公疾革呼取家籍欲均其費于伯季計償先生可二千金沈孺人亦趣先生自明母爲終身累先生不可竟不持籍去先生體羸善病自沔陽公卽世哀毀骨立復從堪輿擇葬地數更易不已遂以積勞致疾趙太孺人繼沒毀瘠亦如之而疾益甚歲輒發則下血如黑梅狀五上春官或中道返或抵試不入先生曰命也吾頭顱如許終不以

儒冠見先人地下。歲丁丑謁選得揚之泰興令  
巖邑也。阻江海饒魚鹽多盜。先生下車不一月  
當事者交才之事疑且重者。輒檄泰興文牒滿  
案。而先生起坐堂皇。須臾立盡。削浮苛布寬簡。  
禽治一二積猾。境內肅然。有議改運道由常州  
徑泰興出揚子橋者。費鉅萬計。而泰興之累十  
六七。先生力言其不可。議遂寢。先生性高曠不  
樂仕。會沈孺人卒于邸。益忽忽不自得。遂封府  
庫投劾。自謫曰。令奉職無狀。且病篤。不堪民事。  
快雪堂集

卷之十九

二十三

願乞骸骨。兩臺已下。温言譬挽。檄日三四下。而  
泰興民亦百方遮留。先生終不顧從。間道歸矣。  
故事。令邸中供張。責辦民間。不下數百金物。令  
去以從。而先生悉籍之。以屬吏曰。以待新令。一  
歲兩供。民不堪也。誤持一幙。卽封還。泰興民懷  
思先生。歲時羸糧問安否不絕。此可以觀得民  
矣。自下車。迄挂冠。不下兩月。人曰。官簿耶。才不  
足耶。上官不知耶。先生曰。吁。不然。漆園托志于  
文。犧步兵全神于麩。藥曼倩罷免于百石。徵君

自謝于五斗吾敢當古人哉亦各有爲耳因賦  
罷官詩五章以見意有園一區去舍不數武曰  
友芳以伯季也有亭有池雜蒔卉木修竹映帶  
清風翳然所居樓曰瞻雲以父也法書名畫鼎  
彝之屬充滿其中日宴坐焚香讀老易離騷或  
從昆弟親賓婆娑嘯咏不及俗事四方才人墨  
士至者迎之花下割鮮醜酒佐以清言留連信  
宿至者忘返間命舟過郊西所稱五柳莊者擷  
蔬網鯉岸幘高歌或與田夫野老較陰晴問禾  
快雪堂集

卷之十九

二四

黍居然柴桑之致焉先生爲人外和内莊不可  
干以非義尤篤孝友事二尊人生死如禮事太  
僕公如事父以家政聽焉太僕公莊毅先生左  
右以寬和終身無間言太僕公沒子幼母老外  
侮且作先生周旋覆翼卒賴以安儀賓公早遊  
戚里晚歸友愛彌篤小鮮斗酒必共門戶之費  
先生獨任之不以分伯季橐太僕公臨終握先  
生手曰吾生賴弟死累弟聞者莫不酸鼻而兩  
賢之太僕之女字余幼兒故盡得其詳如此呂

氏族大有祖祠甚隘先生爲卜爽塏捐負郭三十畝爲祭田領以裔孫一聘名士脩世譜更始祖而下墓地不協堪輿者而其費皆仰于先生與同堂兄弟六七人居終身雍雍無疾言倨色有急輒徇之子姓聰慧而貧者資遣之學歲有常給族弟某者負官錢巨萬無以償法當逮親屬親屬鬻產且盡償亦不足人謂非沔陽公莫能援者而沔陽公業以代償數十百金先生從旁從史曰某故不才脫不得出將爲先人辱父快雪堂集

卷之十九

二十五

幸多方爲援母爲兒輩異日憂也沔陽公然之勉爲輸足卒賴以全族弟某某偕沒京邸旅櫬數千里外貧不能歸葬先生涕泗言曰吾兄弟平居時接塵連席非有故不暫離寧渠忍生死異域耶卽出資厚給之歸葬又厚恤其遺孤焉弟某謁選京師得遠宦遭誣係獄以文憑質鄉人金得脫遂不能之任先生立捐數十金贖付之乃得之任又以違限謫調遂留滯不能歸先生復遣人資給之歸仲氏姊負公家稅積至四

十金。幼子入獄。先生憂其斃也。亟質金完官。勿責其贖。里人聞先生敦睦之風。各相戒曰。慎勿閱牆。而令呂次公知也。先生少年喜節俠。輕財好施。亦稍飾服御。有遊閒公子之稱。中歲益務爲醇謹。然好施自若。先生所施。先宗族。次母族。次外姻。姑姊妹之家。次邑里。次道路。耳目所及。生者待以舉火。死者待以卽土。緩急者待以解紛。不下數十家。先生歲應之。不厭。間有負德。至相訾。而復來謁者。先生亦不拒也。人或德先生。快雪堂集

卷之十九

二十六

先生曰。不然。此家尊人意也。以故終沔陽之世。薄取厚予。人無怨者。沔陽公沒後。先生行之如初。然家益落。故人親戚負先生金累數百千。而先生所積逋。幾亦稱是。執券者相踵。會沈孺人沒。先生乃損孺人所積。盡償之。而故人親戚負先生者。先生絕口不言也。自先生未當戶。知交已廣。所交盡海內知名士。歸田後。客益進。無論文士墨卿。日滿四座。即至星相雜流。趾相錯于庭。先生無不人人資藉之。質子錢不足計。且變



秣田人謂先生且貧矣柰何猶作原嘗事先生曰施不緣富性耳馬遷傳游俠而首序季次原憲豈以萬鍾舍仁義而計豐約非君子之言也卒行其德如初先生計偕時嘗渡寶應湖中渡風作羣舟盡沒先生舟幸免盡出其裝買小舟渡溺者全活甚衆不告姓名而去一士人官留都欲以五百金私其妾子密遣其僕賫寄先生所士人死其僕求分以滅口先生正容拒之召諸子均授焉有倉使者北人負倉儲于杭且鬻快雪堂集

卷之十九

二十七

其女先生憐其無辜爲代輸若干金女得不鬻邑胥張相以孝聞病于京師且死先生覓醫活之以歸衣食之終身又憫其遺孤而托之子婿徐生俞通判者沔陽公之通家其長子死先生倡義給其寡妻而季子負虛稅不能償先生卒代輸以脫其箠楚潘承學者傭書自給四十無妻先生念其篤實爲之經理今有妻今且有子矣蘭溪人方大立以日者謁先生奇其貌叩之才也勉使改業業儒且資遣之令就名師學不

二年歸補諸生食廩矣武林諸生某者受誣奪諸生先生寃其事密白守復之先生不以語人卽某亦不自知其由先生復諸生也先生之爲德不擇微賤不間存沒務自快其熱腸而止大率多此類也先生知交半天下或至貴顯用事先生則引避不與通卽其人或念先生亦無由樹德侍郎徐公某先生布衣交也徐公撫浙經年不通一刺及代去表其門曰孝友敦義實雅重先生云先生非元朔不入公門片札不交是

大夫踵門迎先生就鄉飲先生以冠裳酬酢非柴桑令葛巾漉酒事不得已一往後竟不往也邑大夫某公雅敬先生怪先生無一言關白一當罪者力可辦百金遣吏與俱來索一牘曰願以此爲先生酒資先生卒却之其介如此前後邑大夫俱欣慕先生時就先生談讌先生未嘗及私閭閻疾苦時稱說焉邑大夫以下若丞尉若學博士先生待之送往事居曲有恩禮邑大夫李公某卒於官求美櫬不得先生捐五十金

購得之以殮郡守龔公某廉知狀檄縣償金丞  
匿勿與已而丞免去人諷先生索之曰檄在先  
生笑曰殮死令與資生丞等耳竟不問杭守某  
公廉吏也以移疾歸卒於家貧不能葬先生千  
里外倡義賻之始得馬鬣封其用情於郡邑大  
夫不間存沒如此邑素苦里役先生倡置役田  
歲輸米百餘石量役之重輕助之自是長賦者  
寬而不累及有徵發先生則又首任其重者曰  
奈何擇輕而累甕人子耶邑南門外故有堰而  
快雪堂集

卷之十九

二十九

潰於元邑大夫蔡公某念此堰不復則水直走  
而損文欲聞之當事者而難其費先生首捐百  
金堰成而邑士之預賓興者多矣此又先生嘉  
惠及一邑者也先生晚益甘淡泊衣不重采食  
不厚味以多病頗留意中黃之術始習梵書晨  
起必茹素焚香作西方常課閉關謝世事然里  
社義舉及飯僧掩骼之類猶競爲之先生處閨  
門肅若朝典與沈孺人相對無狎色戲言數十  
年如一日先生好施孺人好積然時能出所藏

佐先生市義而名歸先生孺人先先生九年卒  
先生老而無子而太僕公舉一子最晚及儀賓  
公再舉子喜曰吾有子矣遂子之乙酉冬先生  
病甚度不起遂籍家事授儀賓公曰善守之以  
待嗣子儀賓公痛哭受命儀賓公事先生存沒  
甚善亦若先生之事太僕公也然先生業已貧  
無他長物卽爲醫藥後事計幾欲易秫田矣會  
屬纊不果卒之日呂氏宗族及中表親屬哭諸  
門曰天乎柰何死善人爲吾族若親災也邑之

父老子弟千百人哭諸里曰天乎柰何死善人  
爲吾民災也咨嗟嘆息道路填壅至不可行嗟  
乎此豈可以聲取色求哉先生雅有尚平五岳  
之志不難輕去其家以伯季所藉故和光渾世  
然胸中烟霞眼底泉石不減宗少文卧遊也先  
生多構書自經史百家及二氏之書無所不精  
究所爲詩文多雄麗超逸晚而歸於大雅善書  
家八法具體趙吳興又好蓄古丹青法書金石  
奇器聊以適情不至耽溺所著述有道德經解

山林漫言藝苑目錄友芳園雜詠素心居集藏  
於家餘多散逸先生生於正德己卯六月十日  
卒於萬曆乙酉十二月二十七日享年六十有  
七嗣子元肇聘憲副純菴沈公女女四長適憲  
副少崖許公子太學生三錫蚤卒次適理問葑  
湖徐公子邑諸生國賢次適太學生甘原徐公  
子太學生元朋次適太學生承泉李公子邑諸  
生衷純諸壻女性至孝先生有疾必以身禱有  
緩急必盡脫簪珥以待先生有所頒則皆赧然  
快雪堂集

卷之十九

三十一

辭之未嘗以日侍先生有所私也故先生雖無  
子而處之常泰然

年

月

日儀賓

公將率嗣子奉先生之柩葬於傅字圩之新阡  
先生所自營以葬沈孺人者嗟乎先生不可作  
矣論先生者謂結客少年五陵裘馬似豪傾身  
借客千金鴻毛似俠丙舍不虛孔尊常滿似通  
玄樓高卧俗駕屢迴似亢一官三月去如脫躡  
似隱慈物哺人見聞施舍似釋嗇精保身息機  
習靜似玄先生蓋異才也而位不過黃綬年不

及上算又以無子終傷哉所賴以慰先生地下者有墓中之石在敢錄先生生平以請謹狀

呂南城郡主行狀

萬曆庚寅秋七月初九日南城郡主薨於崇德之呂氏其子諸生元學述主生平乞余狀之將籍以請銘焉余於呂氏姻戚中名位稱卑冗豈無烜者示之乞元學之業尚似有在也況主之賢余故習聞之夫安敢辭按主淮莊王之長女夫人胡出自幼端凝有至性嫡妃吳繼妃周

快雪堂集

卷之十九

三十三

皆尊愛之當選婚會呂氏種雲府君諱某官鄱陽簿有賢聲王習之子某年與主相若主出入其名籍中王喜曰是鄱陽簿子耶得人矣力辭不得乃受命種雲府君以例改簿甌寧無何擢沔陽州判致仕又數歲偕趙孺人女淮邸請婚朝廷修故事冊王女南城郡主某儀賓中奉大夫是時主年十有九耳然事舅姑諧夫子御臧獲恩禮不失尺寸種雲夫婦大喜過望曰王姬反勝民間女子耶故事主不得從舅姑居非久

種雲夫婦辭歸里主大感念曰有舅姑而不能侍養奚婦之爲儀賓公歲一歸省主親爲戒裝勉以孝思不雜燕昵起居之使交於道路浙距淮邸千里而遙別必數月或至歲餘主無幾微難色惟慎肩鑰督女工而已主初舉一子天後舉一女復天遂爲廣嗣計潛畜媵妾數輩使侍儀賓公辭曰主方盛年何事汲汲爲此主曰不然時難得勿失君其勿辭諸妾生子若女數人子俱勿育主曰所置妾無宜子者君盍置里中

良家子於家事二親分理家政君歸省不廢中饋而可以廣嗣其便非一旦尊人吾之尊人子吾之子而家亦吾之家安所用疑忌爲儀賓公內自計媵妾已多復置偏室於千里之外嫌釁易積主意故厚誰則信之意猶豫未決主察其意解二指環授之曰君歸見二尊人具述吾意有如此環矣於是種雲夫婦爲感嘆泣下世乃有如此人爲妙擇里中得舊族沈氏女時年十四卽元學之母也當是時主賢聲已遍淮浙而

間有疑其心者無何儀賓公返淮館報命且具述沈賢能狀羣婢子環侍覘主意色恐其不懌而主顧歡然自如曰置貳得人吾無憂矣環侍者莫不嘖嘖嘆服後數歲沈從儀賓公至淮館主一見甚優愛之呼與共飲食羣媵不敢望焉及孕元學主日夜存視惟謹比生大喜躬爲沈調湯藥視元學加于所生卽元學稍長亦忘其爲他母出也元學七歲當種雲府君八十而膝前無孫亟欲見元學於是元學從儀賓公及生

快雪堂集

卷之十九

三十四

母東歸元學每謂人曰爾時與主別蓋兩難之牽衣悲戀之狀至今猶在目也故事郡王儀賓終身不得回籍種雲府君旣下世儀賓公以不及視含斂飲痛倍至主泣曰吾不能婦又累君不能子如罔極何幸有姑在計莫如陳情歸養今天子以孝治天下或不難破格以美風化豈不幸歟故事郡主儀賓嘗祿八百石世皇時大工起司農金錢告匱儀賓公辭已祿四百助工有司上其事詔許之有辭祿好禮之獎至是主



亦辭其祿四百乞恩同歸豫王初難之固以請  
曰此事度不諧姑以塞乃公意耳下長史議議  
略曰當乏財之時而辭祿已見體國之忠遵自  
便之條而乞歸又見養姑之孝情辭可哀事理  
無礙如議轉聞于朝下禮部議當事者方憂宗  
胤日繁姻屬日夥縣官廩祿不能繼欲稍通融  
其法以便公私得疏大悅立爲覆奏略曰郡主  
儀賓名位頗重八百嘗秩寵利已多孰肯輸一  
念之誠盡行辭免南城郡主以王姬之貴願奉

快雪堂集

卷之十九

三五

其姑儀賓呂某棄戚畹之榮恩養其母非惟孝  
敬可嘉抑且恬靜足尚相應褒許以風天下便  
制曰可實隆慶五年辛未歲也明興二百餘年  
尚主而回籍者呂季公一人耳時趙凌兩孺人  
尚無恙皓首綵衣舉貴主之觴觀者榮之於是  
主垂涕語儀賓公曰自今君有母吾無母矣蓋  
胡夫人就養邸舍三十餘年比東歸悲不自勝  
留一妾副以奴婢田廬及他借養節以事之豫  
營幽宅屬壻歲時享祀無絕其不以義故廢恩

此音詞去聲  
弟三妻相  
妯娌逐兄  
弟之妻曰  
茶里西字

又如此儀賓公二兄長太僕丞某次泰興令某  
主事郭沈二妯惟謙惟和如家人禮趙凌二姑  
沒主持服守禮惟謹且躬督喪冗不令妯娌獨  
勞家務米鹽已上俱畀沈爲分理而已綜其大  
勿嫌逼已性勤儉而慈不以貴驕人居常服澣  
濯之衣簪珥無珍奇之飾稍暇則手治絲枲御  
僮僕極其撫恤每食畢徹所餘以次賦之必周  
遍厭沃始快族婦里婦或以時相接俱曲被款  
洽人人以爲主親厚以故自主歸呂氏而族頌  
快雪堂集 卷之十九 三十六

孝里頌賢家衆頌豈弟所謂內外無間言者耶  
主生正德庚辰十一月十五日享年七十有一  
嗚呼賢哉史官馮某曰南城主之賢其他可能  
也至以不妒啓後如元學所述卽烈丈夫猶難  
之况婦人而出自宗室者乎余以此知祖宗修  
身齊家之化發源深而流潤廣也卒能感動宸  
極歸里養姑助孝治之化豈徒曰呂氏之光也  
哉

叅軍汪長公行狀

予少時往來省會間省會人數爲予言新都汪長公任俠喜客類鄭莊今去淞居廣陵予悔未之見也及余在史館謁白岳來新都得交左司馬伯玉長公實司馬從弟云爾後長公子稚川雅與余習最久今年春季余挾鶴兒來遊黃山過千秋里見長公季子延清問長公無恙乎季斂手對曰幸甚賴先生寵靈生父四百八十又甲子矣猶時時視聽不衰以茲仲冬覽揆初度願乞先生一言爲酌者先矣余曰諾既越秋孟

余謝病湖西使者持一書至發其緘則稚川延清以長公訃告也其言曰孤不孝不能承先君志意以怡娛其天年又不能視斂舍以承信於大事乃今草土餘生奄然一息所不卽填溝壑者恃先生之華袞其辭能爲先君垂不朽世世耳矧先生之諾也在敢惟先生是圖余曰然吾聞之君子不失口于人言足信也雖昔以慶今以弔吾將信吾言矣按汪之先著于魯至漢中葉徙江南隋之季曰華者以兵歸唐高祖領欽

州刺史封越國公其支屬衍于唐模猶周之豐  
鎬也自唐模下析爲十六族松明居一焉長公  
家松明曾祖塤祖玄齡兩世皆長得稱其家宗  
子父良榕字文盛與從兄文質文林咸以甲子  
生三人者特達魁梧爲閭里望文質公卽司馬  
父贈如司馬者也故司馬爲文盛公傳號世叔  
語具傳中不具載長公名道暎奎卿其字宅中  
有黃羅峯南列最爲一郡秀出因別號峯南先  
生長公爲文盛公冢子生而稜稜骨起知慧過  
快雪堂集

卷之十九

三十八

人少司馬一歲自童稚以迄幼學居同塾步同  
采食同盜業同詩書雖兩人亦不自知其異產  
矣當是時文盛公以獨子當戶修先世鹽鹽之  
業賈甌括家頗饒不欲長公事咕嗶文盛公未  
五十歸老于家挈資斧以授長公爲政然僅僅  
數千緡耳長公在事益發紆父祖未盡之策謂  
鹽鹽利無奇羨乃悉出其金錢以什五治鹽什  
五治鹽筴又能察邊輸緩急贏縮賤取貴與數  
歲中贏得過于鹽鹽數倍文盛公喜謂孺子能

治生乃長公之言曰。淞雖瀕海。其地狹小。歲出鹽。鹽不足以當淮揚什三。淮揚爲南北之衝。北走齊梁。燕趙南走三楚。其中具五民。舟車輻輳。江淮之間。一都會也。趨名於朝。趨利於市。廣陵天下朝市。吾將舍淞而之淮矣。先是文盛公從季曰。文材從公廢舉業。亦豐裕。泣不欲從。長公乃留三之一。以佐從叔居淞。自挈其二入淮。淞有某甲者。願以貲附長公。長公勿却。初入淮南。北轉徙煩勞。會文盛公居室故里。歲取給長快雪堂集

卷之十九

三十九

公不貲。公自虞財力幾匱。適有天幸。擇人任時。有完物無息幣。幣乃大贏。于是入貲爲郎。將就選人者。而母吳氏孺人。以丁卯卒。不果行文。盛公既失元配。爲二子分著曰。來爾擘爾。屈首授書。非爾兄力不及此。今薄授爾貲。視先人所畀我者厚矣。爾慎諸母。忘先德道。擘敬諾。後十三年。巳卯文盛公亦卒。長公居廣陵。喜通賓客。所至連車騎。交守相法苑。孔子雍容。而淮揚又最爲冠蓋。駢集交遊。視淞滋廣。年五十稍倦。勤乃

歸某甲子母錢倍蓰其餘金悉以付任事者而公構別圃廣陵蒔花藥甲其地曰儻徻郊園不問生業歲會月要總其成而已久之任事者竊利權寢減昔產更爲諸子分授財賄曰吾無陸賈裴爾三子月給吾酒食供具畢吾生焉足矣歲辛丑復喪配吳孺人乃嘆曰吾聞君子宗廟爲先居室爲後祭器爲先用器爲後吾老矣請事先世烝嘗爰作室三楹祀曾祖考以下及于其身四世曰是爲小宗之宗禮也先此議築室

快雪堂集

卷之十九

四十一

季子涓以時絀舉羸固爭不可公必欲其肩任及室甫成二子皆不在側以乙巳夏仲之中旬微示疾每旦猶晨起盥櫛不廢常珍至廿三日日下春呼涓名者再不及他語及次之旦雞三號舍和長逝距生嘉靖丙戌十一月初七日得年八十云公家世子弟力田初公與司馬同學雖家人亦盡知有其豕耳獨從大父守庸公每日攝兩人曰大兒曰小兒家寶吾先世遵何德令二兒比肩振五哉厥後司馬貴長公素

封一如公語。至今負人倫鑒者，必由守庸公矣。公性慇直，無少曲。當其意，則响嚅不當，意則慢罵。雖貴人不避也。歛令四明陳公嘗與公布衣交。始蒞事，來弔司馬太夫人于里間。遂過公第，將入門，公揖令曰：「人言歛難治，治歛不難，苦無廉吏耳。」誠得如武陵姚公治歛，歛何難哉！聽者皆嚙指。公言事意氣自若，令亦察公無他腸。虛已聽受，其無所忌諱類如此。中歲子姓甚繁，晚多夭折，今惟二子。一源一渭，在所稱習。余于虎

林千秋里中者也。渭同母兄二人，一鴻一藩，第一人一濛，皆先死。鴻更名超，超與濛皆稱節俠。丈夫以義聲聞鄉里，公于二子之死，未嘗不慨然。而獨于華之夭，每暢然對賓客時，而喟然曰：「今若兒在，何憂不亢吾宗哉！蓋華夙以慧著，尤得當公心。吾嘗叙其文，謂爲奔逸絕塵也者。今子姓孫曾，林林玉立，寧必無若華也，以慰公之望乎！然公不及于身見之矣。嗚呼！惜也。」因并著于編，以俟傳誌者采焉。

快雪堂集卷之二十

秀水馮夢禎開之著

家乘

外族附

馮氏高祖已下像贊十一首各有小序

嗚呼此我高祖遜之處士遺像也我馮氏始祖曰添祥再世曰彥珪彥榮三世曰宗敬諱謙實生高祖高祖已前遺像無存者夢禎十九時得二世祖母梁氏像一幀于從曾叔祖昂卽彥榮之配先君子沒荒亂中竟失去故所奉自高祖

快雪堂集

卷之三

二

而下高祖諱恭遜之其字夢禎爲童子時嘗侍仲祖東溪公伯祖一峯公從容咨請祖先遺跡云遜之時家已耗頗能安貧滑稽自適或戲占詩句嘲人人畏其口以高年給衣冠榮身配楊氏生三女二男生正統十四年己巳五月二十三日卒嘉靖四年乙酉五月二十九日享年七十有七夢禎生晚不及其音容像似否未可知然熙然春融衣冠古拙可以想見先民之風矣

贊曰



猗與高祖厥字遜之七十七年鼓腹清時滑稽  
安貧克昌而後耳孫肖之以筆爲口

高祖母楊氏壽最高祖母夏氏事之二十餘年  
頗能言其事大都近于不識不知此其所以壽  
也嘗言楊歿曾祖哭而呼之曰吾母半世喪姑  
半世喪婦曾祖母愠而諄語生景泰五年甲戌  
正月十六日卒嘉靖二十二年癸卯三月十五  
日享年九十遺像白襦黃裙手執數珠贊曰

惟高祖母人貌而天白衣持珠遺像儼然不識  
快雪堂集

卷之二十

二

不知以九十其年乃知識知道家所刪

曾祖諱經字大材懷芹其別號也家世籍于冬  
官爲匠歲七八月畜麻治紵來春與漕艘爲市  
百金母得息可三四十金至曾祖勒苦經營家  
漸饒裕祖居之南北各拓一宅配居氏生三男  
長良次震次坤晚年分三子各二百金宅一區  
我馮氏之堂構立矣亦以高年給衣冠榮身生  
成化八年壬辰五月二十二日卒嘉靖二十四  
年乙巳十月二十八日享年七十有四遺像丰

麻氏續考  
組音桓大宗

評

神瀟灑可掬然其衣冠視高祖稍華矣贊曰  
貌冲而揚儀靜而莊宜爾壽而康宜爾子孫熾  
而昌噫是成化之遺民嗇神而葆光者乎

我曾祖母居氏能以嚴肅爲懷芹處士內助時  
家漸裕不少臧獲而三子婦必相次直廚少不  
如意呵誚隨之祖母夏氏爲夢禎言如此居氏  
外家丁產已空有墳三塚在北坂坊祖居隔水  
東北數十武歲久隣家侵占幾爲墟矣夢禎理  
得之以水東腴田七畝授弟國禎世典其祀亦  
快雪堂集

卷之十

三二

曾祖母在天之靈所樂聞也生成化七年辛卯  
四月初八日卒嘉靖二十三年甲辰正月二十  
四日享年七十有四贊曰  
端而凝豐而碩精神奕奕佐我曾祖辛勤拮据  
五十年如一日噫其女士之特

我仲祖東溪處士諱震字汝威東溪其別號無  
子先君子三歲而孤子養之夢禎旣生處士夫  
婦喜甚恩撫勤至至年六七歲亦不知更有本  
生也處士善飲夜必盡一壺夢禎必侍嘗曰吾

得見汝作秀才而歿足矣。夢禎輒自譽爲大言。嘉靖甲子，夢禎籍爲諸生，喜甚。每入試，則支筇臨試所，迎勞之。無論有今日，令處士得見夢禎，舉鄉薦，當作何狀，喜也。先君子無別弟，遂不能棄本宗。今以恩以義兩承之。奉處士曰仲祖，配賈氏曰仲祖母。處士生弘治八年乙卯二月初一日，卒嘉靖四十五年丙寅八月二十一日，享年七十有二。白皙美須髯，談論疊疊。五十後患足瘍，遂爲痼疾，不能釋杖。以老夫婦像俱五六快雪堂集

卷之二

四

十時所傳處士幅巾衣深衣，恣態生動，頗得其髣髴。贊曰

撫弟之孤及孤之子，成我之恩，生我等耳。予爲諸生，公也。色喜，賴公之教，幸有今日。而公已歿，仙耶非耶？翩翩者誰耶？是其爲余之仲祖，而子子孫孫，永勿諼者耶？

仲祖初娶曰某氏，以不婦去。慈祖母賈氏始踐正室，甚能持家，內外井井，予最爲所愛。一味之甘，必畱噉余。有疾，則奔走巫祝，惟恐後復。而後

卽安祖母姿貌豐碩有如滿月細步甚遲夙興  
晚臥老而不倦卒以是成家生弘治七年甲寅  
五月三十日卒嘉靖四十五年丙寅十月二十  
四日享年七十三贊曰

嫗憐我勝掌珠我奉嫗無多時  
素練如見之  
肅拜起涕交頤

我祖諱坤字汝厚年三十二而沒余從先君子  
育于仲氏記七八歲時先君子召畫工畫祖像  
余問先君子此何人先君子笑不荅審諸傍人

快雪堂集

卷之十

五

始得其真一日仲祖訶余余曰爾非我親祖父  
奈何見訶仲祖爲不怡者累日此如昨日事耳  
所畫像卽此是也先時有像盈尺後從一童子  
窺娑樹下祖母云不甚似故先君子易之我祖  
生弘治十四年辛酉七月七日卒嘉靖十一年  
壬辰二月十一日贊曰

傷哉我祖壯齡棄世幸存遺孤以衍吾氏余幼  
無知謂此年少是何人耶先君不答而旁人道  
其真黃河萬里始于崑崙余安敢忽我祖而不

存

我祖母夏氏稱未亾人甫廿九耳余舉鄉薦時  
尚未滿七十謀白有司旌祖母之節而祖母固  
不可曰未亾人有子有孫何旌耶計其費當數  
金祖母曰未亾人益一婢子日織賣錢僅踰十  
文空數歲之藏以買名吾不爲也遂已之祖母  
終身蔬食余三歲從祖母寢起十五始就外傳  
故受恩最深夜一燈祖母課女紅而余讀書余  
咸進士去祖母之卒僅兩歲耳傷哉生弘治十  
快雪堂集

卷之十

六

七年甲子五月八日卒萬曆三年八月十六日  
享年七十二其像揭白又非國手故不能貴似  
有其意而已贊曰  
傷哉祖母廿九而稱未亾人口不嘗葷血之味  
足不踐羅綺之塵大節皎皎如雪如水至七十  
以老而不求旌于有司曰吾有子有孫易寫者  
白髮難描者素心公嫗之像一老一少如婆從  
孫我子孫其式欽

先君谿谷居士像鄞唐生所寫蓋名筆也壬午

秋余自京師奔喪痛定瞻遺像初疑不似二弟  
謂甚似曰大哥別後父須髮盡白而貌加腴至  
病久始覺枯瘁此病時容耳自拜別至大故僅  
一年四月而形容變異如此爲人子者奈何可  
一日輕去其親之側耶先君少時患腮漏一夕  
夢披髮神人以面親患處遂愈疑爲真武神  
故終身虔奉之不衰像右腮作暗黑碎文乃舊  
癍也先君諱某字次公以壬午秋勅封翰林院  
編修我馮氏蒙國恩自先君始生嘉靖九年庚  
快雪堂集

卷之二十

七

寅七月二十五日卒萬曆十一年癸未六月十  
五日享年五十四贊曰

謂天下皆可必乎或拙餘而巧不足謂天下皆  
不可必乎吾又未見種苗而得粟吾父生平不  
課子不治生人見其蹙堂構于中歲而沐恩光  
于晚齡以爲若有天幸而不知其胸中熙然盎  
然如春之融如酒之醇噫是其所以困而亨

終亨

嗟乎人生不幸失父不幸之甚失母余十九而  
後家門之變無所不有大都不可言令母在余

則熙熙至今耳。先時母病亟，召畫工寫像，猶扶病斐而出，畫服飾如之。時病久，骨立懸想，舊容點筆終不似也。余幸叨一命，母得追贈孺人，遂更其像，加冠帔，易緋，余骨相類母，畫工以余面參舊像，成之。然亦不能甚似。母姓沈氏，生嘉靖十年辛卯十二月二十四日，卒嘉靖四十五年丙寅九月十一日，年三十六。贊曰：

母白兒蒼，母瘦兒肥，兒幸似母，母胡棄兒。母亾之後，家日以非象服，我我不及母之生時，我心快雪堂集

卷之二

八

傷悲

先室贈孺人石氏生一女，二十三而沒，時余舉鄉薦，一年矣，像揭白，故不能似，後更爲之，亦不甚似，姑存之。云爾。贊曰：

爾爲余婦，余能顯爾，而爾不能待爾命，何苦不能返爾之魂，又不能肖爾之形，我我象服，不知何人傷哉。

自贊小像

真實居士此像，萬曆乙酉冬，鄞唐生某所寫。先

不蓋只

是達觀禪師北行以白衲為贈親作白衲歌誨督深切語尤雄快即詞人操筆未必能爾以故居士常披白衲而像如之戴斗笠手捉青玉麈尾行且笑儼然居士也時年三十八又三年戊子正月二十六夜燈下自為之贊曰

爾何人耶不愛葳蕤進賢而愛竹笠不愛文繡而愛布衲不愛載筆而愛麈尾是謂真實居士爾行何之亦何所笑人以為拙天以為巧是宜置之一丘一壑以老

快雪堂集

卷之二十

九

沈孺人小像贊二首

余寫戴笠披衲像時亦為孺人寫此像長二尺許俱唐生筆故能彷彿而近莊但額顙不似爾黃襦竹根青裙尚之以茄花半臂蓋燕居服飾也時年三十一贊曰

余居朝爾不欣欣余投林爾不戚戚閒靜疏通宜文宜質銖衣繡裳臨風獨立是文通學士之遠孫而真實居士之繼室

又



乙酉夏孺人歸寧武林俞生某爲寫此像盈尺耳顧甚似而小腴從兩婢子長者持紈扇小者持麈尾引師子猫樹亞挂鸚鵡二物俱孺人所昵也贊曰爾生于武林長于荆楚嫁于樵李蓋嘗從余宦遊京師今復居武林而尚未知老于何所青山白雲與汝共之外有求羊之客而內有萊氏之妻余其庶幾

先祖妣安節夏氏墓誌銘

快雪堂集

卷之十

十

先祖妣夏氏家世秀水縣人父曰某贅于柴場灣之謝氏生三男三女祖母其一也爲先祖諱坤字汝厚之配先祖年三十二卒祖母撫先君孀居時仲氏祖無子同育先君賴以成立祖母守節四十餘年惟咬菜根非十指所作勿用用常有餘夢禎生三歲卽侍祖母寢惜油常不許夜讀尚及抱驥子以歿驥子夢禎長男也夢禎鄉薦後屢欲白旌祖母之節必不可曰婦人守節固分况有子有孫何以旌爲遂不敢言私謚

安節祖母生弘治甲子五月初八日卒萬曆丙子八月十六日享年七十有三子一卽先君諱第封翰林院編修娶沈氏贈孺人孫男三長卽不肖夢禎娶石氏贈孺人繼娶沈氏封孺人次胤禎娶許氏次國禎娶黃氏曾孫男五驥子鵠雛山子鵬雛辟邪先祖葬城西祖塋穆位地師以發祥所自不宜輕動故不敢奉祖母配丙戌冬葬德清之金鷺山不吉遷于錢塘虎跑之前山乘庚脉卯向實萬曆甲午十二月某日銘曰快雪堂集

卷之二

十一

傷哉祖母稱未亾人四十五年長齋如僧守節婦職柰何求旌我誦此言甚明且清諡曰安節以培世經速朽者形不滅者銘

先考封翰林院編修文林郎谿谷居士先妣贈孺人沈氏合葬墓誌銘

我馮氏自國朝爲嘉興府秀水縣人世居嘉興縣北板坊高祖諱恭曾祖諱經先祖諱坤先祖二兄艮震行三再娶祖母夏生先考諱某字次公晚年自號谿谷居士取老氏爲天下谿爲天

下谷之意三歲而孤仲祖震無子子育先考先  
考生嘉靖庚寅七月二十五日終萬曆癸未六  
月十五日年五十四先妣沈氏嘉興縣人亦世  
居北板坊外祖諱儒外祖母顧先妣年十五歸  
先考先考十八年卒生嘉靖辛卯十二月二  
十四日終嘉靖丙寅九月十一日年三十六先  
考妣以不孝入仕封翰林院編修贈孺人子三  
長不孝次胤禎國禎孫男五驥子鵠雛山子鵬  
雛辟邪孫女六近世士大夫俱以揚親爲孝親

快雪堂集

卷之二十

十二

沒必借重名高諸君子爲誌銘表傳以托不朽  
卽少飭以欺天下後世不恤不孝最恥之柰何  
敢以所恥事先人故于先考妣合葬自作誌銘  
世系生卒外附子系姻屬不敢加一字以誣先  
人墓在杭州府錢唐縣五雲山之支麓葬以今  
年己丑九月十七日辛酉先是葬先考排山塢  
先妣德清縣金鷲山不吉而改卜得今地遂合  
之其銘曰

兒二九哭母四九哭父哀哀蒼天兒命何苦初

葬而分再遷而合父母之靈或願同穴峨峨五雲麓坦而平浙水朝之靈其永寧

前室贈孺人石氏墓誌銘

余前室贈孺人石氏縣之伙二十九都人父諱梧有田數百畝稱富人婦少余一歲以嘉靖丙寅春二月五日成禮時年十八先一年先慈病日嘔血虞不起亟欲納婦病有間而婦至顧不甚喜私語余曰婦相不宜堂上人時先仲祖東溪公及嫗賈俱無恙踰半歲與先慈相繼卒堂

快雪堂集

卷之二十

十三

上遂虛其半而家亦耗矣婦初至卽憂貧余少年崛強頗不懌指案上書曰吾有此寧久困耶婦默然先慈旣沒家變紛起婦益不自得而家益貧遂市所居屋晨起不能具盥水有之隆慶庚午余領鄉薦辛未上春官不售歸而婦病矣病半載卒其病爲單腹脹歿時身寸裂裂處出水沾漬衾褥或云有他故余所不忍言也時年二十三生女二長瑤光適海鹽國子生沈紹元江西按察司副使奎之次孫次未名先母殤婦

沒後十二年壬午余官翰林以恩得贈孺人又  
四年丙戌葬婦德清金鷺山從王姑其地不吉  
遷于某縣某山令從王姑孺人性質實無欵曲  
堂上親俱不善得其意獨王姑夏少憐愛之爲  
婦六年開顏之日無幾余領鄉薦歸家人尊卑  
無不驩喜迎見孺人獨不怡召之良久乃出竟  
以抑鬱歿生嘉靖己酉四月朔日卒隆慶辛未  
八月二十八日葬萬曆己丑某月日銘曰

嗚呼余婦爾生也富爾嫁也貧不年而天不男  
快雪堂集 卷之二十 十四  
而女不封而贈豈其命耶葬爾不待爾夫從爾  
王姑爾夫銘爾爾其保此玄都

戊子春正月稿己丑夏五月竄數十句

亾女大姑傳

亾女爲沈郎孝升婦蓋先孺人石所出憶女生  
時先孺人以產難昏暈余腹之經夕時月光滿  
樓因名之月而字瑤光女四歲余舉鄉薦是冬  
受海鹽沈氏聘五歲先孺人病卒所遺惟女先  
大母痛憐之與之共卧起六歲余繼娶沈孺人

于杭而女從之。先是沈孺人夢一峩冠神人引二婦一長一少。少者携一女授之曰：此吾女。今爲爾女矣。比女至，孺人驚謂余女狀儼然夢中所見也。二婦得非前室與先姑耶？相對疑訝不已。以故視女如已出女。黠慧善談說，語事首尾貫串無遺。一日余與孺人相對，女與太舅樟翁共語，女敘余閨中事，有太史公筆鋒。孺人顧余大笑，七歲習學，女紅九歲從女師姚媪，受孝經列女傳，能通大義。年十六而歸沈郎，事舅玉田。

丞姑姚甚孝謹，生二子，俱殤。自後凡十年不孕。乙未冬，余往南京，女送至吳閶而別。次年忽聞女孕，余泊孺人以下，無不爲女幸。秋八月生一男，奴來報喜，余泊孺人以下，無不欣躍。九月孺人與兩兒暫歸武林，十月返過郡城，忽報女失所生兒，余亟命兩兒疾馳海上視之。鵝兒先到，則姊已病，病革，開目曰：是吾次弟耶？吾大弟何以不至？吾得見吾次弟，猶吾父母也。舉手遍身撫摩，謂鵝兒曰：弟爲吾語，父母願相珍重，遂瞑。

傷哉女以得男喜竟以失男亾耶女亾一日而  
驥兒至得臨女尸三日而孺人至得臨女棺又  
旬餘孺人兩兒還邸始聞女訃不覺老淚之橫  
集也前室所生惟一女女歿而無出一絲斬然  
良可傷痛

姬桂名字說

廣志云桂出合浦生必于高山之顛冬夏常青  
其類自爲林間無雜樹芬芳貞潔有君子之德  
焉入藥則爲百藥長徵珮則與椒蘭雁行其材  
快雪堂集 卷之三 十六  
又中舟車宮室之用所稱桂舟桂楫桂棟桂柱  
者是蓋南方嘉木之最而吳人以木犀當之殊  
可笑余舊吳姬名桂其家之人不過曰木犀云  
爾事余五年柔慧機警日月以異余漸嬖之乃  
拈其名義而字之曰延佇蓋取楚辭結桂枝兮  
延佇也夫延佇者待也所謂不待帷帳則芳香  
不發姬待而遇余可以慰矣遂書其說似之

明故迪功郎楚府典寶正樟亭沈公洎配

董孺人墓誌銘

公姓沈氏諱大亨字正叔別號樟亭先生世爲  
杭之錢塘人自唐歷宋多顯者而文通學士文  
章行業尤著墓在龍居塢王荆公撰誌銘公其  
嫡裔也族姓居江干者最盛有諱士寧者出贅  
城中李氏是爲城中沈氏祖三傳至公公父某  
母柳氏公未弱冠而孤性警敏通脫籍爲諸生  
有聲博極羣書善尺牘百函立發而不喜治舉  
子業以故艱于遇合中歲益厭棄遂游京師賓  
客甚盛時華亭徐文貞公當國以舊弟子才公  
快雪堂集

卷之二十

十七

欲畱撰青詞積資可得中舍公曰吾得曳裾王  
門可耳安能鬱鬱居此遂入貲得典寶正之楚  
府時昭王春秋方茂雅志墳典得公大喜置之  
帷幙孜孜講論昕夕無倦或接遇賢士大夫商  
略今古辯若懸河咸驚異謂河間陳思復出而  
公之輔導功因以彰灼于縉紳間昭王嘗語人  
曰沈某余之師也國事大小必以咨公公亦矢  
心彌縫靡有缺失景府以天子介弟就藩中涓  
挾其勢肆甚楚府莊田橫被侵據若干頃昭王



以公爲使。白諸朝得直。莊田歸楚。衆亦多。公時  
昭王春秋漸高。艱于子。一日引公至密地。指太  
史公書某傳。謂之曰。若堪屬此乎。公遷延引避。  
叩首曰。殿下年力方茂。錫麟非遠。臣實愚頑。不  
敢奉教。昭王咨嗟嘆息。愈欽重焉。丁母柳憂。奉  
柩歸葬。服闋。仍補楚藩。又數年。致政歸。而昭王  
亦遂薨逝。公每從容爲余談說昭王時事。未嘗  
不流涕也。余居甥館時。以大父行事公。而公尚  
強健。噉食如年。三四十人喜賓客。談笑慷慨。一

坐盡傾暇。則進余談文談詩。間爲唱和。孜孜不  
已。公于詩不喜杜陵。而余最所左袒。公曰。若能  
醉心六朝諸名家。吾言當不至河漢。余漸悟入。  
則公之教也。余與公周旋十八年。兩從余京師。  
朝夕匡誘。惟恐不盡。余性超脫。不喜世故。公最  
憂之。余卽終不能改。而感公至矣。公晚年喜道  
家言。間試容成之術。無效不止。姑以自娛。又好  
持籌課子。母所畜。近千緡。然言利者易進。不甚  
核實。輒一試之。以故所畜子。母輒去。公亦不

悔公性喜動不善株守居楚時一工人藉其改所居門至三十餘次居杭亦然他可知矣公精神挺拔見事風生老驥伏櫪志在千里如此人奈何以王官見奇哉華亭公嘗語客曰沈正叔有用之才客曰公知其有用何不留之令就王官去耶華亭公語塞公生正德乙亥六月初四日卒萬曆己丑十月二十七日享年七十有五配董孺人父某母某氏生母某氏及笄歸沈樟亭先生少年喜冶游百方給孺人孺人必廉得

快雪堂集

卷之二十

十九

其狀所籍記或爲隱語孺人必射而知之雖龍尾羊裘之奧無所逃焉事姑柳最孝性柔婉而能斷大事姑柳易簀時樟亭先生方爲使上疏京師未返宗室有畜美樽者曰惟所用不必議直孺人不可脫簪珥歸直而後用之其識大體如此晚年妾生一女孺人撫而嫁之如已出焉去年三月孺人春秋滿八十婦翁率子姓及親黨稱觴上壽至冬婦翁病亟去孺人屬纊期僅旬日耳承諱之日猶及舉杖披麻衣而坐非不

幸中之幸哉孺人生正德甲戌三月二十三日卒萬曆癸巳閏十一月二十二日于樟亭先生稱並德云子一某娶高氏女一庶出適蕭山諸生來斯行孫男三起儁起佑起儔樟亭先生先葬龍居塢祖塋五年矣今將以某月日奉孺人柩合葬焉銘曰

惟沈正叔有用之才相君知之而楚游之輒卒不可回公遇昭王如魚得水明而未融命故如此惟董孺人並德于公同居同穴生歿相從龍居之阡土肥泉甘翁媪居之子孫萬年

映雪堂集

卷之二十

二十

明故處士芝暘沈公墓誌銘

公姓沈氏諱宜先字尚行別號芝暘子家世錢唐人譜系詳具樟亭先生志中公生而警敏脩潔裘馬休休善談論議事當否確有證據雌黃月旦巧得其真或與共事後稍令鋪敘首尾洋洋灑灑百不失一卽令讀書知古今雖談天雕龍輩當之寧免濟河焚舟哉爲人情至哀樂過人壯歲從樟亭先生遊楚見禮昭王曳裾御醴

出入愉快十餘年。比還故里，方築室買田爲終  
焉之計。而資用稍絀，不能如居楚時揮霍自在  
矣。且突喪壯子，無伯道之兒。有中郎之女，艱難  
酸楚，又十餘年，與善不虛。良胤再降，雙珠欣其  
在掌，瓊夢宛矣。盈懷一疾不起，實惟萬曆癸巳  
十二月初三日。距生嘉靖辛卯十月初一日，享  
年六十有三。傷哉！公與先君游甚善，方公反楚，  
余適斷絃，遂以愛女繼余之室。時余貧甚，不能  
納禮。公闢甥館，延余居之，與余同甘苦者三十  
快雪堂集

卷之二十

五

餘年而今已矣。余飄搖仕宦，定省屢乖。公爲余  
凡兩至京師，兩至留都，殷勤篤密，視余猶子別  
公以去歲十月二十四日方轉眄家書而訃音  
忽至，傷哉！公娶高氏子三，長起儁，高出娶董氏  
不幸早世。次起佑，六歲。次起儔，四歲。俱側室王  
出女。二長卽余婦。次適桂陽令張公一陽子諸  
生兆登。今將以四月之二十六日奉公柩殯於  
芝塢舊阡，以俟吉卜。銘曰：公爲人，生而多憂，死也則休。喪子有子，無替箕裘。爾壻

爾銘萬年斯丘

大學沈生超宗墓志銘

生諱鳳字超宗余同年沈茂仁翰撰次子也母曰王孺人生子五二幼殤于京旣予告歸復傷季僅存伯兄麟禎與鳳爲二先是杭有諂貴人某者艷沈氏之盛挈其子親過長溪強以孫女求字茂仁不得已謀之副憲公姑以季委之諂貴人歸甚喜每指示人曰此翰林媳婦後季傷而仲尚未有議副憲公具書遣媒通某氏願以快雪堂集

卷之二十

二十三

仲續前好時媒者先過余余微止之不得竟以母命堅拒其年余女遂字鳳矣自後鳳與兄屢過余鳳始十餘歲膚清韻上手揮大字在兩家兄弟間見者無不屬目又五六年成禮于畱都別館余女始十五在館三日而歸歸又三日而王孺人卒又一年所長男豹孫生于家會余得旨放歸往來長溪視鳳夫婦與豹甥甚密豹甥之周晬也鳳擊鮮張樂爲十日酒娛客費百金余戒其太奢且非所以爲兒福鳳性資清慧而

甥外孫二

生音勝

日解也

失學不樂攻苦。顧有好古之癖。客有持法書名畫。舊陶玉器求市。不難高價得之。間售僞者。久之輒能自辨。邇返僞者。直客遂相戒。莫如長溪。已而復好聲伎。或從優伶。當場串習。爲娛伊吾。傳奇記諸晝夜不休。間試六博。及黃白之術。亦不至大損。近歲益務爲節儉。日月會計甚細。壬寅春。挈室僦居武林。與余共兩山西湖之樂。踰歲而實以節家居。冗食及他雜費。將就試。自下屢易期而不果。廼定以七月八日行。先一日別。

余湖上。余治具候之。日西而至。次日果行。蓋永別于此日矣。傷哉。九月初。稍聞鳳病。鳳素清羸。觸勞卽病。病一二日。趣已多。不過旬日。以故家人不爲深念。豈知其一病不起哉。初三夜。余已臥聞急信。驚而起。女復孕數月。慮有傷。強慰之。旣行。北關猶未啓。五鼓得從輕舟。一晝夜。馳至長溪。則鳳抵家三日矣。病勢雖危。而受藥周旋。信宿。猶有生望。忽張目視余曰。吾太山也。當以誌銘相累。狀吾者。其吾兄乎。語雖模糊。而可辨。

竟以初八日長逝。長溪俗信鬼，沈氏尤甚。鳳病至卒，祈禱宰殺無算，師巫之聲，括耳費幾二百金。初余及女，恐不及訣，竟有數日周旋。又不死，道路而死于家，骨肉團聚，遺腹至十一月，竟得男。是皆不幸中之幸也。鳳沒後一月餘，而伯兄自北歸。又二年所服且闋，伯兄議移弟柩，改殯於孰字圩。祖塋之丙舍，鳳生萬曆辛巳某月日卒。萬曆癸卯九月八日，春秋二十有三，子二，長大詹，聘西華令李君日華女，次當戶，卽遺腹。聘快雪堂集

卷之二十

二十四

包孝廉世杰子文學鴻達女沈氏世系俱載家乘中，故不叙。銘曰：人曰表，一十有三子，二長

鳳兮鳳兮，文而未炳，疇厚厥生，而速其隕。孰字舊阡，營魄暫依，吉壤非遙，待爾子而移。爾有遺言，酬爾銘詩。

外曾祖沈公柳孺人像贊

曾孫壻馮夢禎贊曰：若祖吾祖，若翁吾翁，泝而上之，以及于公，不攬筆而心記，錙銖不讀書而雍容步趨，蓋衣冠之器，不爲龍而爲魚，公壽六

十客處番禺龍華鍾者生平善公實能想像爲  
公之容巧心妙手神與之通馮生作贊敢誇乘  
龍

曾孫壻馮夢禎贊曰母杭人也生于海門以其  
父歿于武昌以其子母能筭能書日覽史傳默  
記無遺能持家政如刀切物厚薄均齊半世相  
夫半世相子一門之中雍雍濟濟稱女丈夫其  
亦無媿

明故沈母高碩人墓誌銘

快雪堂集

卷之三

三五

余婦翁沈尚行府君之垂絕也手二子起佑起  
儔呼高碩人泣而授之曰吾不圖連舉子而不  
及視其成以累若碩人泣曰唯唯碩人故善病  
先是婦翁從余京邸以妾王歸時碩人年餘四  
十卽徙處樓中謂王曰吾有兒不及壯而歿沈  
氏一脉未有寄子勉之釋吾治吾病可耳遂絕  
葷血朝夕精苦事佛如頭陀者餘十年所至婦  
翁歿不得已再親家政非其好也婦翁無恙時  
微有資蓄余婦略悉之至歿後蕭然無有此其



快雪堂集  
快雪堂集  
快雪堂集  
快雪堂集

故或可致詰而碩人不一問曰吾有此兩兒足矣時婦翁業市新居而力不克營徙碩人曰吾旦暮人耳寧可令諸姑以壻氏營徙耶于是竭力營徙而家遂困碩人明決周悉曲體物情親戚往來親施之禮雖貧不失尺寸比歲爲佑儔聘親吉孺納婦家益大耗不支簪珥盡且質衣矣然碩人神日瘁而體日腴或以爲賀婦每鄂余竊憂之曰吾母非腴瘵耳以故得預爲營美裨以歸去歲碩人瘵壅上不知人汗下如雨食

快雪堂集

卷之二

三六

頃始甦歸奔視起居卽起坐指撫如嘗矣自是輒發卽易之竟以今歲壬寅二月十七日之夜一發而隕余與婦俱不及訣傷哉其日午後碩人呼余家知事僕檢括文券故藉手付妾王曰汝謹視鎖鑰俟二子長而授之又出終壽衣手自檢視曰某物當綴履上亟綴之余幼子辟邪黃昏入揖曰汝讀書吾舍半月吾今夕見汝汝歸爲我謝汝父母及汝生母輩蓋儼然訣別之語又語豎子我睡後或呼汝汝必速應無後中

夜如之。暨子啓門而妾王亟披衣入遂成其手。佛家預知時至久脩者所難而碩人易之豈所謂得正而斃者歟。始婦翁棄二孤時太者五歲小者三歲碩人撫之首尾十年碩人死俱能痛哭盡哀如成人此可以卜其成立碩人今而後從婦翁地下可矣。碩人生嘉靖乙未十二月初七日距亥春秋六十有人碩人姓高故右族父曰嚴母倪父早世家疲于官碩人從母育于嚴氏年始七歲嚴翁厚資遣之一姊長碩人十餘

快雪堂集

卷之十

二十七

歲適錢氏中丞之裔貧替無後碩人于一起儻娶董俱先卒妾王子二起佑聘太學生吳邦楨女起儻聘太學生毛恩女女二長余婦封孺人次適張兆登府庠生養子一吉孺娶沈氏碩人爲人端謹強毅知大體遇事能斷識度過人僕妾無敢狎視骨肉親戚間雖至微者處之曲盡恩禮修脯旨蓄每手調以備賓客之需靡不精腆卽客沈氏者去後不能忘其大者可知矣余婿沈氏今三十年碩人視余猶子余性通脫不



快雪堂集卷之二十一

秀水馮夢禎開之著

祭文

祭徐少師文

天眷皇朝誕生喆輔作帝股肱舟楫霖雨惟公  
弱冠致身青雲魁三尺五揆藻摛文繼批龍鱗  
盤桓浙水竟回帝眷大用伊邇惟公閔度玄鏡  
潛機能柔大奸令不見疑大奸既斥帝眷益篤  
居中調燮皇路惟肅肅廟大漸公念大忠遺詔  
快雪堂集 卷之三十一

一

一下涕泣山東肅能正終穆能虔始功在社稷  
惟公誰侶乃拔巖穴乃甦瘡痍滌煩䟽滯以登  
清夷公勲則高公心則小捉髮吐哺毋捨我老  
公之持軸二十餘年功成身退優游林泉公之  
福澤逢涌鬱積始自嘉隆波及萬曆上之十載  
公滿八旬禮官上請存問惟勤梁木忽頽白日  
西匿天子曰咨喪我良弼祭葬易名恩禮有加  
生榮死哀於公何嗟况公後嗣鳳毛麟趾繩繩  
帝廷家聲鬱起吾儕後進夙範光儀奪我菁鑑

同情共悲何以瞻公列星有爛敬酌椒漿公庶其鑒

祭陸平翁宗伯文

嗚呼先生四朝遺老明時上瑞存問特典公平兩被英嗣晚毓青雲蚤致乞身歸養彩衣曳地庭階翩翩孫枝鱗萃賀客滿堂祝公百歲公健七筋翰墨遊戲述抑之詩無耄我棄朝野願公靈光獨歸何不憇遺一老云逝公性恬淡去盈去羶雖登八座半處林泉白衣尚書火食神僊快雪堂集

卷之二十一

二

太平丘壑九十七年聞公將化登堂易衣端坐拱手氣息漸微公真天人蓮出淤泥出沒三界如兒娛嬉媿余小子玉堂後輩謁公於家諄諄我誨一再侍公有示必記黃髮無戀何待詞費欲以靜拙儀公一二公不可作憶公隕淚凡今之人獎競遺恬鳩鵲在囿鸞鶴棄捐公在此時雅操誰傳庶幾無悶永懷昔賢嗚呼公生盛際完名備福木彌喬松花艷寒菊凌霜獨茂經冬逾綠使公爲相必有不足惟曲則全柱下知之

公神在天其肯余詞

祭陸臺翁冢宰文

天祚國家誕生名臣或開其泰或亨其屯顯允  
陸公海嶽降神手握日月胸羅星辰弱冠牽絲  
以迨抽簪五十年中力障世氛屢進屢退不淄  
不磷孳孳求才妍媸不昏如彼朗鑒萬形自分  
晚總銓政簡登正人運霹靂手整頓乾坤不盡  
公用咄嗟乞身乞身歸來清涼是遵萬菩薩衆  
圍繞欣欣歸而淵嘿與道爲隣天不憖遺俄聞  
快雲堂集 卷之二十一 三

上賓生荷隆知棄疵採真拂拭青黃折而復伸  
感恩知已有淚淫淫嗚呼公在朝廷舟楫霖雨  
而於佛法金城寶杵無刹不現無求不與乘大  
願王驅天龍鬼疲於津梁而今已矣天人哀傷  
波旬驩喜我之哭公非以吾私爲蒼生痛爲大  
法悲來以緣集去以緣離公於死生如脫垢衣  
千里之情絮酒隻雞公神在乎庶或鑒之

祭汪司馬伯玉先生文

嗚呼嘉隆之間文章道亨瑯琊新都代主夏盟

遠近攀附。鼓吹休明。朝叅笑語。暮集大名。我生也晚。兩叨賞激。歲月幾何。典刑雙匿。有識舍渡。吾黨增劇。如彼迷方。而失斗極。我昔西來。公神政腴。食我誨我。金石不渝。嗣吊婁水。責於西湖。二仲同臨。飽我青蔬。我仕留都。忽聞公訃。追今十年。公尚未墓。殯於太函。草棲神路。絮酒隻雞。用托情素。嗚呼。自古文人。厚終者希。位壽榮名。子姓雄飛。物或忌完。道有成虧。惟公遭際九列。金緋逍遙林泉。陶鑄今古。讀公遺文。雕龍繡虎。快雪堂集

卷之五

四

年逾六袞。庭階楚楚。旦暮翻騰。踵公之武。公何在。乎修文帝居。握手哲弟。憶公嗟吁。使公而在。尚未期頤。梁木興歌。泫矣其悲。

祭茅鹿門先生文

嗚呼。公起茗雪。擅譽文壇。史遷歐陽。逸氣後先。公所自許。誰曰不然。余昔童穉。讀公著述。謂公天人。追攀莫及。不圖當年。忝附膠漆。惟公筮仕。著績循良。嗣由郎署。佐臬遐方。決策雕勦。卒隕天狼。公也兼才。文事武備。惜哉中讒。未展其志。

白華偃仰益昌其藝自古文士玷缺其常至有  
貧困不厭糟糠公享素封壽而且康有賢子孫  
景星鳳凰公之仲子余忝門墻二十餘年屢登  
公堂辛丑孟秋公滿九袞先期稱觴衣冠接膝  
高文大章焜耀四壁公也婆娑揖讓其間執禮  
無失人謂曰僂百齡在望奈何不延所可幸者  
仲君南仕請急而歸公遽有此先時仲君戀戀  
於公公勉之出敦譬從容孝在養志無守而翁  
仲出公牘余勸勉從至於今日始賦厥衷所遺

快雪堂集

卷之二十一

五

憾者公最憐季季才尤高尚阻謁帝咫尺雲霄  
而公不視嗚呼造物多違人事難齊公也八九  
爲天所私在文士中公稱麗眉金緋九十字內  
所稀我采芳蘋以薦清卮公神在天一笑熙怡

祭陸敬承文

嗚呼敬承遂罹斯酷耶始傳病甚或謂且死道  
路之言甲乙彼此胸中耿耿如懷棘枳遂歷弦  
望猶幸君起豈知大謬竟悲逝水乙未之夏余  
憩湖上時君適來徘徊共賞君戀親舍抗疏於



朝南山佛廬息駕以遨余幸叨陪飛羽揮毫醉醒語嘿無非逍遙日暮余返醉僧墮驢厥明相語大笑軒渠無何君歸寢苦臥廬隔濶三年時得君書一疾不起天道可疑又憶南都迭居壁水同籍數人驪呼爾汝桃蹊梅埭交珂錯趾君也將發遍歷諸峰攝山牛頭惟余得從攝山之遊將軍作主笳吹競作君欲洗耳時從余者長兒驥子奮欲造巔崇朝其雨至遊牛首君亦攜雛旣臻雙闕而日已晡羣峰大江煙雨虛無相快雪堂集

卷之十一

六一

對僧榻同飽齋蔬君嗣尤朴布被青裾歸而語婦可藥華腴其他名利天界靈谷鍾山之巔清涼之麓或憩蒼松或哦翠竹或送飛鴻或狎馴鹿君旣鵬騫余亦貂續天壤之間有對無獨自余再至興消意俗山川非改逸駕難逐又憶丁丑公車共對余媿驢前自甘避退君實獎余俾不終棄君面團團心非憤憤能斷大事濶畧細碎文章浩蕩奔濤湧沫惟君之才曹丕十倍珠玉在側誰不形穢嗚呼生才實難世實須才使

君而在。必握風雷。從容談笑。舟楫鹽梅。而今已矣。淒涼夜臺。天之奪君。不遐而速。豈其棄民而貽之毒。公私之情。付之痛哭。余且拂衣還從白雲人之云。逝良悲。索羣郢人正容。匠石揮斤。鍾期既往。伯牙破琴。惟余與爾。庶幾古人一觴奉酌。想見欣欣尚饗。

祭黃懋忠宮詹文

嗚呼。嘉靖之季。文運衰靡。靡極而振。誰建鼓旗。隆慶改元。日月再輝。公起浙右。天下從之。片紙

快雪堂集

卷之二十一

七

墮地。不蹉而馳。金馬玉堂。優悠論思。奉使唐藩。頒詔高麗。諸侯負弩。蠻王握衣。咳唾珠玉。晃耀華夷。兩典文衡。八閩京畿。賢書既出名士。纍纍錄成公手。正正奇奇。懸之國門。一字莫移。名以之高。謗以之隨。帝曰。胡傷。進公講幃。旦莫宣麻。舟楫鹽梅。公不可留。衡門。暫棲堂標。碩寬樂而忘饑。如猶未息。誰惜蛾眉。余始偕計。謁公京師。進而教我。意常孜孜。廿年之間。或合或離。河山雖隔。音書莫違。謂公物望。終攬國維。如何一疾

而誤於醫。嗚呼！論公文章，雄視一世，而舉南宮不爲首論。公才品實冠詞林，而謝朝列僅四品。庶幾以期頤慰公，而又止中壽，益以徵力，命之相左，而造物之難齊也。嗚呼！隙駒易邁，薤露易晞，於其中間，顯晦稱譏，其細已甚。達人所嗤，公起世胄，入等宏詞，父子兄弟，接武金緋，官詹翰學位，亦不卑。青山白社，兄弟怡怡，何所不可，而戚戚自摧，日月不延，窀穸有期，扁舟送公，咨嗟涕洟，其鹽芬芳，颯然來斯。

快雪堂集

卷之三

八

祭于見素文

嗚呼！公中丞孫，世爲冢嫡，善積慶餘，嗣宜大出。公嗣多奇，仲也白眉，少年脫穎，鴻漸天逵，爲郎爽鳩，抗疏忤時，歸而待公，彩衣晝披，公昔丙子，登名賢書，鴈行四人，兩舉宏詞，仲子飛翻，卽罷公車，物忌多取，道乃集虛，仲投蓮社，遠公是師，公獨深信，愚或見譏，厚德如公，必踐期頤，不滿七十，天道可疑，福流子孫，挹彼注茲，憶歲丙子，初式公廬，偕公兩弟，園橋是趨，北征遇公，殷勤

路隅癸未禮闈余忝分考啓卷得仲欣出意表  
自茲往來益綿世好廿年之間再登公堂承公  
起居悅豫且康子姓振振朴茂矜莊仁者有後  
公其足當歲非龍蛇哲人云亡聞計驚悼涕泗  
其滂金沙秣陵一葦可航擬拜几筵躬酌一觴  
守官於斯末由出疆乃遣哀詞佐以薄將公神  
何之逍遙帝鄉颯然其來鑒此芬芳

祭李年伯見衡文

嗚呼公起雲代遷於廣陵積仁累世至公廼興  
快雪堂集

卷之二十一

九一

邑符早綰藩伯晚登如公才望三事宜升四十  
餘年如一條冰公飽經綸尤長邊計其郎職方  
已見端緒備兵開原小試一二用公之策唾手  
三衛惜哉賈忌有志不遂公在中州權相道經  
藩臬大僚屈膝郊迎公作揖客守其磴磴公嘗  
馳驛嚴旨未行權相銜公波及姓名遂鑄三官  
公意自若臣節必申臣秩可削江陵死後連移  
陝洛再陟楚憲洗冤求瘼忽憶尊鱸五臥林壑  
南北交章薦公邊才本兵督臣側席虛懷公非

和議卒忤撫臺開原不可況全遼哉當事惜公  
公堅不回轉公開藩全公出處吏議尋及以年  
致仕公曰胡傷聞報色喜冊立進階公臥已矣  
高寶瀕湖宜田宜豎扁舟往來課讀課耕松竹  
可友鷗鷺可盟足不入市口不言兵英英衆雛  
足寄家聲長公最顯客部繼鳴孝廉文學聯翩  
而起公之報國何必以已三紀周行十年林處  
自卜土山龍穴秀美我樂湖居死必埋此築堂  
始畢旋亦上賓公蓋先知志氣如神官至二品  
快雪堂集

卷之三

十

壽幾八旬孫支內外倍於右軍生死榮哀全福  
全人中丞書來狀公行事公昔蒞浙予盼予庇  
廿年若飛倏爾長逝握筆銘公當俟名世製詞  
不文聊寫哀意

祭方衆甫學使

嗚呼公產雲間才高行修自登賢書余卽同游  
奇文欣賞疑義與搜山川非阻臭味長投余也  
先登公再落魄癸未禮闈幸相物色一易一書  
兩魁經術豈敢貪天喜公奔軼宦轍相左廿年

飛蓬三佩州符一贊兵戎尋擢外臺視學觀風  
尺書時來跡遠神從最後入閩甲乙髦士羨登  
武夷兼食荔子忽聞卧病奄然不起廣柳扶將  
傷哉羅綺余今解龜逍遙湖山追憶舊遊扁舟  
雲間徘徊丘隴宿草斑斑多雞絮酒有涕洟瀾  
念公多情而未聞道死生去來如夢幻泡所恨  
違離靡從早告公如有知相視一笑

祭陸以寧

嗚呼雲間羣龍公最聞道同官舊京切磋笑傲  
快雪堂集

卷之三

十一

死生之故目存心了如燈取物如谷呼鳥曾未  
幾何公忽云亡公之別我使車皇皇余時病店  
祖送未遑嗣病燕邸俄返其鄉又明年春宗伯  
九十周旋朝使相禮無失公素體腴忽焉立骨  
易賀爲吊傷我宗伯惟余泊公廿載交知早望  
脫穎晚乃遇時我之門士公之座師公每退讓  
余時戲之死生之說如環首尾何短何脩公已  
契此豈如世人拖泥帶水公何之乎乘箕御尾  
不腆溪毛聊以薦公禪悅法喜一笑相從

祭大中丞南掌院方麓王公文

嗚呼惟公世之真儒邦之司直白首窮經富於著述自南總憲遯郎爽鳩五十餘年一節不偷自公之暇一編在手研精覃神千古師友公所論著周禮春秋尤邃于書膏腴畢收公昔持節分憲浙右諸生屢進嘗被公誘嗣交太史通家往來晚玷南雍公也掌臺公年彌高而氣彌厲恪勤政事著述不廢迨公懸車余一造廬杖履蕭然貌瘠神腴謂公之壽必迨衛武賦抑之詩

快雪堂集

卷之三十一

十一

無耄捨我如何一別公忽遊僊人誰不死公乎德全况也紛紛庭階芝蕙太史而下後生可畏有終者壽不朽者言誰傳儒林公名不刊寒雲其滋氣肅天高公神何之鑒此溪毛

祭馬在田郡丞文

萬曆癸卯夏六月哉生明郡丞在田馬公以病卒於官邸又三日計聞武林又六日其同年弟兼部民馮某謹以清酌庶羞率男諸生驥子鵠雛壻太學生沈鳳哭且祭之又爲文呼公而告

明  
也  
也  
之曰嗚呼憶公始臨辛丑之冬余時將雛就吳  
乘龍謁公彩鷁醉之梵宮各出兒壻侍坐虔恭  
旣欣聚星亦感飄蓬夜闌秉燭彼此禿翁公生  
中原才高氣雄兩典劇郡民和政通淮海毘陵  
棠陰籠蔕天子嘉之擢公治戎憲節金緋樽俎  
折衝宜公直上天門九重如何折翼手板在躬  
始謫塞北量移江東吾邦何幸福星載逢佐郡  
兩年半在病中間出視事遊刃於空吏才旣贍  
文翰尤豐喜對賓客唱和雕蟲余數過里魚服  
快雪堂集 卷之二十一 十三  
相從公必強起延坐從容二子在侍賓友或同  
有時投轄厭厭夜鐘叩公經濟淋漓滿胸尤長  
邊計指畫不窮公息六月旦晚搏風天何不弔  
遂逢鞠凶初見公病杞憂忡忡欲勸公去攝生  
雲峰囁嚅不吐余卽負公公寔梗柁何不喬松  
同籍五六宿草蒙茸公尤耆舊吾情所鍾憶別  
未幾計聞如夢公之二子蘭茁桂叢翻飛可待  
公門其隆生必有成如環始終所以至人能契  
其宗牛山可鄙漆園何工公之明悟寧戚厥哀



吾子吾壻公視猶子率以哭公公神臨此

哭公祭袁太冲先生文

德靖遺老寥寥晨星先生久壽足備典刑余識先生二季是因非之微之雙玉並珍余時攀附投社入林卅年之間或飛或沈乘車戴笠義炳丹青未壯事公忽迨衰齡嗚呼先生國之老成成名甚早涉世何迤初郎爽鳩中歷風塵晚徙王官禍起寺人垂老被逮伶俜苦辛于時二季聞難赴京蹙蹙蹇驢執別友生先生何傷詔獄

快雪堂集

卷之二十一

十四

鬼薪俄而南歸百折不磷先生之學淹博多聞先生之才鞭撻風霆先生之譚縣流屑瓊先生之貧四海一身東西南北終歲跋踈有子而才命亦不辰微之晚轍投筆從軍南極在堂北計亦真何況身後祝融相侵幸出烈焰就窳青岑吉凶禍福糾纏難尋公因再世孫枝忽芬仁者有後此豈虛云庶以慰公屬纊欣欣余忝通家哭公宜早竟以事羈傷哉宿草絮酒足維耐公于兆公庶來歆颯然雲表

公祭少師兼太子太師吏部尚書中極殿  
大學士致仕華亭徐公文

嗚呼惟公昴宿降祥嵩嶽孕靈應期命世翼我  
皇明嘉靖之季壬人竊柄孤忠默挽回天悟聖  
運屬鼎革改父爲難公草遺詔天下翕然公在  
政府先後二紀不激不隨用襄上理格猜以信  
激濁以清惟公之功夥矣難名昔在肅廟國本  
幾殆且議南巡欲發者再黃臺絕咏白雲罷謠  
社稷毋聳僉曰公勞爰自嘉隆至今萬曆士安

快雪堂集

卷之二十一

十五

逢掖農安稼穡公身雖退公澤尚存三朝元老  
四海達尊壬午之秋公滿八袞有司上言禮問  
方及公庶加七爲抑之風天子割袒蒲輪迎公  
如何昊天不愍一老公勿可追列星皎皎訃聞  
之日天子轍朝公卿以下莫不哀號祭葬易名  
恩禮有侈生歿榮哀於公已矣况公庭階玉樹  
葳蕤慶餘善積惟公是貽某等不佞幸從公後  
懷公典刑以庶不疚公功在人公神在天敬酌  
椒漿以告几筵

愍音銀  
倦而起  
惟不  
卷道一先

主人  
元帝  
德

祭徐大來太僕洎配董恭人文

嗚呼太僕南州之裔自虞遷吳蟬聯富貴公幼  
秀朗爲明時瑞壯登甲科以階臚仕初郎司空  
尋加罔貳壽宮之役公有勞勤天子嘉之增秩  
賜金雲霧忽起公乃投林計然之策未效其一  
廼用于家錙銖纖嗇乃營園林乃治宮室選色  
徵歌卜夜繼日公之戲耳聊寫吾鬱懿茲恭入  
女士之特來自茗谿送車盈百靜一端莊其儀  
不忒富而能儉貴而能抑樛木廣愛小星咏德

快雪堂集

卷之二十一

十六

寶婺雖潛明珠繼出公于此時破涕爲娛月白  
未幾忽報公徂賀者在門弔者在廬吉凶倚伏  
理故難拘嗚呼公才宜爲世用如師子兒惡靜  
喜動時方急士柰何棄公無裨于國使豐其宮  
我之于公周旋甚久知公甚深惜公無已三十  
年來屢登公堂縱橫名理切磋文章久而益敬  
樂而多方室家相見停舟命觴感今追往有涕  
浪浪公身後事賴有佳壻納言宗英輔車之勢  
存孤禦侮成生靡二公庶欣欣含哭入地不腆

溪毛佐以椒漿雙神何之肅然在傍

祭故行太僕寺寺丞語溪養心呂公文

嗚呼先生卽世五易歲矣不孝與先生生幸同郡聲教相聞又竊嘗執鞭于先生之仲氏泰興公益習先生爲人謂先生質直淳謹有通德長者之風遂不揣徼寵于蹇修氏以次兒鵝雛爲先生令女辱甫及成言而先生病且歿矣痛哉已嘗一再登先生之堂瞻仰先生遺像撫先生幼孤因泰興公國賓公叩先生踐履想見先生

快雪堂集

卷之二十一

十七

爲人益欷歔不能已卽受命泰興公以敝帚爲先生役媿不能揄揚盛美百一爲先生羞所幸鵝雛漸長能從扁舟親省郭安人起居與先生令嗣嬉戲翩翩繞膝足慰安人晚景而先生竟不及見也痛哉卽他日徼天之福以克成禮子姓振振不隳閥閱詎惟賤門之光卽先生寧不欣欣地下哉歲三月之七日爲先生窆窆之辰敬陳一觴爲先生酌嗚呼生存華屋忽焉山丘聖賢皆歿誰挽迅流人之云淑庶其千秋公神

在乎絳宮瀛洲

祭鍾西星文

嗚呼惟公弱冠登朝黑頭典郡折而復起盤桓  
不進如公才器何所不宜精詳敬慎允矣吾師  
公在桐汭余亦薄謫公弟畜我如膠投漆周旋  
三月誼乃千秋時公乏嗣控神以求相別未幾  
余忝雍席公郎爽鳩相望南北書來款款慰我  
渴飢喜公生雛神貺在茲公有通才而起謫籍  
謂公旦暮金緋熊軾曾是積薪躓於屢推一病

快雪堂集

卷之二十一

十八

不起命實爲之以公清望宜至公卿而終郎秩  
以公厚德宜享期頤而未六十誰扶廣柳至自  
帝鄉藐焉二孤衰絰在旁路人酸辛親戚悲傷  
惟余駑劣忝公末契青山始歸公喪適至何以  
酬心惟一掬淚嗚呼去去華廡歸來一丘爽鳩  
何樂牛山何憂有如旦暮喻之浮漚以公宿慧  
當必了此絳宮蓬萊神乎至止我作是言一笑  
相許

快雪堂集卷之

